

十九



篁墩程先生文集卷之五十

傳

楊文懿公傳

公諱守陳字維新姓楊氏浙江鄞縣人曾祖浩鄉而上世以仁富聞其鄉祖範益好修爲名儒學者號栢芸先生別有傳父自懲傳其學官止泉州倉副使公之在妊也母張宜人夢星落懷中及生天庭有黑子七如北斗見者奇之五歲即端恪如成人而才識穎異栢芸親教之日記數百言稍長學舉業及爲古文辭廢出流輩四方多傳其程試之文以爲式栢芸恐其溺此恒誨之曰聖賢之學以精思力踐爲要博文強記輔此而已公大有所悟入作致知力行持敬三銘以見志景泰庚午舉浙江鄉試第一人辛未舉進士被選改翰林庶吉士未幾丁父憂而祖父母相繼卒居喪七年學益邃識益遠天順戊寅服闋授翰林編修預修大明一統志尋被旨授徒內侍監辭不許

憲宗即位以選為 經筵官預修

英宗實錄成化丁亥以考績升侍講踰月實錄成升司經局洗馬公每進講必積誠意傳經訓冀納忠以感悟

上心一日講武成篇曰魯論稱舜無為而治周書稱武王垂拱而天下治然後世人主有深拱禁中委政內侍者召閹樂之禍有高居無為惟寵嬖艷者啓祿山之變何也蓋舜武之所以無為者由其舉相去凶悖信明義無一不盡其道皆常憂勞而有為乃始佚樂而無為也後世人主則孟子所謂安其危而利其菑樂其所以亡者耳左右聽者竦然至於應 制詩文亦舉筆不忘勸戒壬辰選侍講學士校刊通鑑綱目遂預修續通鑑綱目以母喪去公官五品十六年所教中人已多貴幸凡預教者率因之以進獨公泊然無少藉有欲出力援之則謝曰我婆娑也抱節三十年矣乃垂老而改志邪薦紳往往傳誦其言

今上出閣公等六七人被選日侍講讀 文華大訓成升詹事府少詹事兼翰林侍講學士大訓篇目多本大學衍義獨事涉中人者悉不以書公曰是何以為訓撮其賢否得失之故分註一條議者不能奪公雖晚未遇而名重一時吏部嘗擬公國子祭酒在廷大臣合詞舉公堪吏部侍郎宜入內閣皆不果用

今上登極加恩宮僚始擢公吏部右侍郎初當首猶擬公南京

上覽疏取筆塗南京二字其被眷之如此 詔傳議祀廟禮官請祀

懿祖而以

德祖比宋僖祖百世不遷公抗言禮天子七廟祖有功宗有德乃孔子之言故凡號太祖者即始祖必事之以配天若商周之契稷皆以功而非論其本統也宋之僖祖及我

德祖可比商報乙周亞圉非契稷比議者徒謂大儒嘗有取于王安石之說而不從孔子遂使七廟之間既有始祖又有太祖 既以配天而不正南向之位名與實乖豈先王之禮哉若謂降而合食為非禮則

王者既立始祖之廟又推始祖所自出之帝而祀之固無嫌也
憲宗升祔請并祀

德懿熙三祖自

仁祖以下為七廟異時祔蓋則以

太祖擬商周契稷而祔主藏于後寢祔禮于前廟時享則尊

太祖祔祭則尊

德祖各不失尊庶無悖禮議者不能從而公執甚堅蓋有遺恨焉弘治
戊申上疏論講學聽政累數百言大畧謂

陛下御極以來屏棄珍玩放遠奇袤登用正人聽納忠諫躬題奏日勤
政務若此不懈可幾堯舜獨臣之愚猶有過慮蓋革故正始猶易持久
保終實難若內得弗深外資弗博銳志少懈欲心漸滋豈能保其始終
如一乞開 經筵御午朝聽講之際凡所未明輒賜請問必待

聖心洞然明悟而後已一日之間居 文華殿之時多處乾清宮之時

少使欲寡而心清惑少而理明則得於內者深而出治之本立矣午朝
有事者皆先用畧節口奏而裁決之大政則召大臣面議未當則許諫
官駁正而審行之俾賢才常集于目前視聽不偏于左右則資於外者
博而致治之綱舉矣若但如近日之聽日講御午朝以應故事凡百題
奏皆付內監諸臣調旨批答臣恐積年之弊未革而將來之患難測不
但如前所過慮而已 優詔嘉納諭禮部以三月 御經筵禮部得請并
午朝如楊其奏修

憲宗實錄以公兼副總裁公念更化初凡吏部有所升黜人必視其忠
邪易險愿好為趨舍故侃 持議雖取嫌忌于同列弗苟徇也已酉再
請解部事專史職不許章三上乞致仕始命以本官兼詹事府丞供職
史館如故公嘗言古人謂國可滅史不可滅我

太祖既混一即命儒臣修元史

太宗靖難後史官不紀建文君事遂使當時朝政與忠於所事者皆闕

畧無傳及今猶可補輯

景皇帝已復位號而

英宗實錄標曰猶書邸戾王是宜改正章疏留中者雖有可傳例不得書之宣付史館奏未及上而公以十月十八日不起初太曰從進賢占者以為賢人厄蓋其應云公疾革語其弟守陞男茂仁曰吾學至為君子仕登三品年邁六十斯亦何憾惟

上恩厚未能報先栖芸先生未及封汝曹勉圖報稱以繼吾志諸弟暨男茂元不及訣其以是語之語訖不亂明日端坐而逝訃聞

上悼惜賜謚曰文懿命官諭祭葬事後二年實錄成詔贈公禮部尚書又三年以春宮舊恩許錄公孫美璫為國子生公天性孝友筮仕即遭三喪竭力襄事不一舛于禮奉母極孝養與丁夫人起家偕老肅雍相成未嘗畜女侍奉巾櫛待諸弟怡自相師友公暇子姪環侍循雅飭無毫髮參養之習在京師所居高坡巷四方耒耜者皆知為楊先

生家敬愛之風薰然被于宦族有弘農之遺範與人交必以義相規而見善如已出體若不勝衣言若不出口至說理論事則毅然不可屈自號晉菴晚更號鏡川同考禮部會試及主考兩京鄉試得人最盛所著述有三禮周易尚書詩孝經大學中庸論孟私抄凡數百卷皆正其錯簡更定其章句詮釋諸家之傳註而傳以已見雖大儒之說不苟同蓋晚年屢加刪定未始輕出也於書謂舜典象以典刑一章乃舜命官語非史臣記事之詞古者罪人不孥而漢書引湯誓孥作奴蓋或奴或戮隨其罪之輕重施之也酒誥明大命于妹邦疑明字本封字之誤不然則下文乃穆考文王終不可通大誥今蠢今翼日蔡傳謂今之明日也疑以今蠢今翼為句言武庚今無知如虫之蠢動今有輔如鳥之羽翼而以日字屬下句猶左傳日衛不睦也於詩以卷耳於大夫行役者之作謂陟岡陟矧馬瘠僕痡非后妃思慮所及以栢舟為非婦人之作謂其心不可轉威儀不可選正孔子所謂吾於栢舟見匹夫執志之不可

易者也至以鄭衛之詩非孔子所謂鄭聲其辨尤詳大約謂春秋主事當無不載詩主辭當有所擇朱子修通鑑綱目於莽操呂武之事靡不備載其續楚詞則神女季姬皆斷為禮法之罪人高唐賦亦視為倡家之瀆禮若鄭衛諸篇非刺淫而果為淫者所自作聖人必不錄之矣其超然獨見多先儒所未及者又有五經考證大易私徵春秋私比等書皆未脫稿雜著詩文有晉齋稿鏡川稿東觀稿桂坊稿金坡稿銓部稿又數百卷閩博精醇蕪備衆體成一家之言讀其文可知其人公弟舉進士者三曰守隨廣西按察使曰守趾左春坊左諭德曰守隅工部員外郎子二亦皆舉進士曰茂元山東按察副使曰茂仁刑部主事公墓在郵之玉堂洞山

論曰儒者心學之失傳久矣其上工訓詁以為高其次競辭章以為奇又或以天資用事而能隨世以就功名斯已矣四明自慈湖楊氏師象山東發黃氏師考亭皆卓然知體立用宏顯微不二之義學者尊之若頽波砥柱而栖芸實嗣其傳至公益充大之蓋其始則抱遺經以求聖人於言表而不以訓詁辭章為能故其持已律家居官接物視老壯如一日而不少肆其子弟皆謹禮守法不屈於不義而以古人為可期也夫學術有得于一心則尊之而不為蕪棄之而不為損擇之精守之確終吾身而不變此所為儒而世往以迂左目之皆孟子之所謂失其本心者也公晚遇

愈憲楊君傳

君楊氏諱大榮字崇仁其先居湖廣麻城至君高大父德言元季為統軍萬戶有事于蜀因家鄆都曾大父繼祖大父文興父弘道仕為邑之訓術通諸家負識鑒嘗幼異君曰此子當不凡遣入學為生徒而勗之君果穎出流輩業精行成思亢其宗以天順丁丑舉進士鄆都邑陋僻

國朝舉進士實自君始君為人剛直而宅心恕每思為有用之學故遇事不可即勇持之未始以人言自沮也筮大理評事所獄獄必反覆參驗得其平而後已時廬陵王恭毅公長大理慎許可更官屬十餘人獨才君可大用值有 詔大臣各舉所知者公即以君名上升江西按察僉事江西民譁訟繁君治之不勞而辦嘗行部九江寧縣盜猝起攻陷郡邑殺將吏衆相顧愕眙計無所從出君不動曰是惡能為徐授策甲士躬督之與格大蹙其衆禽其首羅萬珪及黨與三十人未幾盜復起九江君馳往掩捕之禽其首舒原一及黨與七十人南昌豐城為萬珪餘孽所苦君戒指揮王鏞密捕獲之凡五十二人首是所部怙然無敢倡亂者南昌有權貴人被盜其婿誣仇家數十人君察其狀盡釋之衆危君 毅不顧曰某不能以民命附勢也久之真盜出危者皆愧君建昌豪民楊洪三武斷鄉曲以盜誣朱槐等二十八人死且半君辨其誣而真豪于法監邑稱快九江衛百戶田春與巡捕指揮李貴不相能

貴知御史金忠素刻嫉盜引春 不勝榜掠誣伏君獨疑之以白御史石玉 視案曰成矣時多憚金無敢爭者君即日上其事 下其雪春等十七人聞者壯之君既以洗冤澤物為已任不能復與人婚媾遂大忤權貴人以成化甲午致仕去 之日吏民數千人乞還君當道者方謀所以處之而君有决志不留矣君歸蜀鄉人莫不高其節然君亦不能恣然忘世凡鄉人孤弱而為奸媒理直而為暴令所錮者君必為言上司曰某也冤某也橫其言一出于公上司亦敬聽之冤者得不死而橫者歛迹君事親孝一第後即有父喪哀毀盡禮家饒于貲而喜施賑窮濟涉揮所有不吝君在江西貴溪高都憲上達書贈之文稱曰偉文夫其歸也南昌張太史廷祥大書其行卷曰林下一翁而序之兩公亦近世聞人其善殆可徵也

論曰世幸為刑官少仁故多不利其身與其後者是大不然刑所以輔世之治而濟夫仁者非以示厲也彼寬者釋而暴者伏其辜皆仁之用

而謂刑官少仁何哉刑官少仁固擊其人而遂先王制刑之意哉若楊君為刑官中外十餘年所全活既衆而又廷退以之亦未不失其本心而已然壽終名完而有子世其業將克拓而光敷之利孰其焉善思世之論刑官者怠于仁以為利而弗之省也故為之立傳君以弘治甲寅八月十六日卒年七十有三子六人孟琦陝西華陰縣丞孟瑛舉進士為刑部主事其言言探探有文風孟琳陰陽學訓術孟瓊孟瑤孟瑜

徐處士傳

處士德賢字孟明姓徐氏蘇州常熟人其先所居曰邵舍暨曾祖程元海道萬祖恢祖又遷漁梁至正末嘗集鄉兵保固里人賴之別號春軒工草書父舉生三子處士其季也處士生即秀穎不與凡子伍卅角入鄉塾日誦千言自經史百氏書率能通大義又以餘力通陰陽醫卜之學稍長從三山陳元圭專受春秋將卒業而天兵下姑蘇乃挈家避難邑城事大父母父母愈力涉險茹辛凡數年

大父母父母相繼去世亦不敢以客喪廢禮既而常熟失守復徙郡城雖顛沛中所與遊必一時名士吳元年始還漁梁顧兵燹後業以中圯處士恒心語以亢宗為志計日規措不遺餘力務使燬者完逋者復散者新門闕再興而自處泊如也時鄉先正思菴是公猶未有名處士首禮而友之

文廟靖難初郡邑洶無錫莫氏黨裔有乘時剽劫者或謀于處士處士力沮之曰我輩非有官守第率子姪保田廬以俟命可也其高識遠慮一時老成人皆莫之及永樂中悉以家政付子訥曰吾老可休矣自結廬于所居西偏榜曰靜菴有山石花竹之勝處士日徜徉其中客至淪名嘯歌竟日忘倦歲丙申十二月二十有五自卒之前二日呼訥曰吾平生無過人處惟肯改過喜濟人取予之間不敢恃義持是以終吾身猶懼弗克汝能體此心以不忘先訓上師古言目瞑矣言訖沐浴安寢明日又召兄子言保族宜家之道鹽不少亂及晡而逝享年

七十有三配鄒氏有婦德佐處士起家媼鄒稱之一子即訥一女適錢
慈有孫八人慎愷悌懷忒懌俊恪忒正統丁卯鄉進士歷古田長寧知
縣恪成化丙戌進士歷工科給事中湖廣左參議河南右參政左右布
政使今都察院右副都御史奉勅巡撫河南女孫三人適錢悅者以
節聞詔旌其門曾孫二十有一人綿純統縉紀縉維細縉績縉組
縉練縉縉縉統縉縉縉成化乙酉鄉進士歷石首永城上杭知縣玄孫
四十有二人璠瑞璿琨瑕瓚瓊璣瑛瑤瑤瑤瑤瑤瑤瑤瑤瑤瑤瑤瑤瑤
瓊餘多名者自孫以下用發廩賑飢授義官者五人為儒學生者三
人處士墓在南沙鄉敬真里漁梁溪北之源於是葬七十有六年矣弘
治甲寅以恪上績恩制贈處士通議大夫都察院右副都御史

褒寵有加

論曰儒先謂天報善人之後莫大于賢不肖而世乃以貧富貴賤為言
外矣若徐處士者以眇然一儒生經世亂而不棄其身于他業不狎其
身于非友不汙其身于狂僭可謂有君子之行矣亦之際

興運而中起其家子孫曾玄積久彌盛至六七百指其間出而顯者為
名卿次者為良吏處者為義士而女之有歸者為貞媛謂非天之報善
人而致其後之多賢若此哉况貽封之峻廟祀之豐而富貴無之者
哉處士子都憲予同榜進士嘗竊聞履善之詳故輒為立傳然書處士
而不以贈銜繫之者重其德不以爵用媿于漢徐君之例云爾

前鄭州守洪公傳

公諱寬字有約姓洪氏世居徽之歙縣之永楊里其先曰龍圖閣待制
贈少師中孚顯于宋族大以蕃人姓其地曰洪源公會大父楚善大父
宋顯父懷徐母江氏其德善之詳並見公所編洪氏世譜公生九歲即
選補府學生治戴記淳實淵穎不安言笑人咸器之以景泰庚午領應
天府鄉薦屢試禮部躋乙榜卒業太學遂以成化丙戌入吏部銓授湖
廣桂陽知州當桐獠破劫之餘公為勅驛堞作市區禁侵暴勸分備

荒民漸復業桂陽古府治有縣附郭 國初以州治縣以府治為倉民
弗使公言于 朝請復州治經畫規措不數月告完而民不擾方迎父
就養居一年以憂還辛卯服闋改河南鄭州時勅 藩府于汝寧濬漳
河于黑陽山立會府于開封徵夫役千六百餘人使者旁午公懇言州
狹民勞免其半癸巳歲大侵奏免三分又請發陳麥一萬石與官粟兼
濟庶危急可拯巡撫都憲武進楊公亟書之下其事諸府民賴全活甚
衆賈魚鱉及白婁河歲病民公築隄捍之而患息州城壞不治 公董
葺之成加壯焉汜水古嶠關議者欲葺之公言嶠即虎牢古險塞時平
固無所事若卒遇歲飢盜出不測其就禦之故愚以為不葺便卒存
嶠關公治鄭久民感服其惠感莫敢犯而鄰境陝汝諸州訟不決者亦
請于公成下乎迺一新其學宮刻許文正公大學要畧諸書迪諸生又
新鄭大夫子產之廟以風其鄉人州民李慶家懸旌巨額成衣襟袖悉
具而民間駒犢多雙生者人以為政德致之應巡撫都憲江浦張公請

旌異之山右原公請以為鄆陽知府 命未下而公以疾解組歸矣公
晚歲益端居不入城府合曾祖而下十六支萃居一門內外有規歲序
有燕周卹有等里人有事亦相與就質焉成化丁未十一月二十六日
卒壽六十有二妻汪氏先六年卒子四人長達克家不仕次迪禮部司
務次遠成化戊戌進士歷知莆田濬交河三縣有聲今以監察御史莅
事南京次通府學生孫十人長儒次偉次休次伊次倅次儉次价次脩
次倣公墓在清泰里河塘上鳳山之陽

史官曰古循良之臣譽興位隆若西京之世所書者蓋甚衆也洪君治
兩州有惠政為聞人而不克究其志以老何哉然有子能世其經拓其
顯揚之業而大之人以是知天之報施善人固有在彼不在此者予故
取而傳之非直以慰公矣將使夫為善者無慙焉耳矣

汪節婦傳

汪節婦陳氏名鼎徽之祁門人其父曰偉人與同邑汪仕政皆名士故

節婦在室已能受姆教為賢女年十九聘為仕政子軫妻汪舊族而仕政又振之節婦能事之盡禮嚴奉其條約舅姑安之曰得婦如此老復何憂哉其佐軫養父母尤力至於處娣鄰供祭燕御佃傭斬一有緒人率慶軫亦以自慶踰年生男奉以見舅大喜小字之一孫定名曰鐸吾將望其多似續以振吾宗也再踰年而軫遘疾不起疾革時畧無一語及節婦一號慟幾殞者數四有老媪勉之節哀則泣告曰吾夫屬纊之所以不及我者知妾無他也吾何用生為聞者亦為之灑涕既服闋節婦始年二十三舅姑少之微使人相風則大哭曰我何人家女為何人家婦而敢以此相侮哉不當即死以從吾夫于地下爾風者乃不敢復言節婦奉舅姑視夫存時益謹謝膏沐勤女紅日抱其孤兒茹泣曰天乎純鑒此血誠俾苟存視息養吾夫不絕如綫之氣以不墜汪氏吾願畢矣鐸既長勉之力學為之擇配而得方氏女亦善事節婦天順癸未有司以其節聞數實如今旌其門迨今弘治癸丑節婦年八

十四有孫五人曰相曰樞曰憺曰朴曰楷樞尤淵穎淳慤進補儒學生部使者試士嘗占首選然數奇諧寡每不利于場屋云
史官曰先正有言天報施于人之子孫莫大于賢不肖而不知者以富貴貧賤真論舛矣吾觀汪節婦陳之履行殆有烈丈夫之所難者雖已躋壽年沾恩典疑有未盡則將於其孫樞乎驗之人亦佳見樞之力學績文當有以為節婦榮也然予與樞善賢其人有志于道知以程邵為師疑所以榮節婦者將有大焉豈獨富貴哉

鄒氏傳

錫山有華鄒二氏華祖南齊孝子曾鄒祖宋竇文閣學士忠公浩族最盛各以所居名其在近世則鷺湖之華有時葺翁守方一一生文高故儒者所著宋史發揮東郊集文高子蒙曾娶于忠公之族蓋餘德也其父珮承事郎號撫松大父宗文仕知通道縣兩家雖以產隸其鄉而維之以禮義他姓不及焉鄒氏者生有至性如成人早喪其母非哭不

止惟見父則更為歡。又訝之久乃悟曰吾女孝為我傷我故不哭耳。噫人家那得有十許歲兒能如此耶長益好女紅及喜與人說古賢女婦事婦家即甚得。姑心姑以內政畀之內政悉辦之喪其父與舅過哀成疾而治。未幾勸至手自緝縲紵以先家人姑慰止之則面遜謝退作如故其。匠家之大者能教養其兩弱弟。吾身。每語人曰我兄弟輯睦嫂有勿焉又嘗諫家曰君家以積德故至此君宜損已無多取于人庶有後家義其言行之人果譽家曰華之良也然終以舊悲勞致痺不可起平時出言謝其姑且戒家而勉其子累百語不亂既絕復曰我實不能舍姑亦大慟曰老不幸而失賢婦吾何用生為則語家曰婦事我十三年。甫三十有一有一子兩女叶成汝家其葬諸西壽山祖壠之側葬事固無煩我。惟欲得名公文字為婦不朽庶足以相慰爾家退請揚儀曹君謙然其事遣人來致母命予素重儀曹。其文甚核是足以不朽矣謝再三其所遣人跪曰走數千里而來將何言。

報老人其言益可悲也遂序而傳之

論曰劉向為列女傳凡一言一行皆見錄不遺誠恐人喜高節素行而忽婦職之常也若鄒氏之為華婦亦獨能盡其職之常爾然其姑乃思愛之不置是必有當其姑之意者夫能當其孤之意則所以佐其夫主其家者必有道焉嗚呼是亦可謂賢婦也夫抑可謂之孝婦也夫

華處士傳

處士姓華氏諱正字守正以守行晚號愛菊翁南齊孝子寶之裔也其先曰原泉當宋南渡始居無錫之隆亭六世孫起濱再遷暎陽起濱生璞元晉冀屯田總管璞生鉉功德使司都督其妻陳氏以節旌門至今號旌節里鉉生幼武幼武生宗韓復。燕湖宗韓生興叔。生思濟處士父也處士性孝友早喪父每言及雖遠豆儻爾即掩懷流涕事母鄒氏務得其歡心有疾輒籲天求代疾亟走千里禱泰山且沒又復走兩京求金石文圖所以不死者年七十喪其兄守方盛暑哭奠如禮

因中暑暈醫弗治歲經暑輒發以弟守端早世教育其諸孤若已子尤厚宗族置義田周貧乏族有譜多舛處士據舊歲續修之而不敢以已意參焉其慎之也兄子北孤不克自立育之成為築室納配呂氏孤女出內之弟者處士收養之且資裝以嫁華大族有暇處士病而以計斂其田若干畝處士覺而嘆曰先業所在惡可以弗力言於官十年事白乃歸闕廕老園日徜徉其間久之幡然曰得無啓後人遊宴之漸乎中搆觀稼樓貯經史藝桑果課視為適或譏其務逸得勞則笑曰吾志也處士喜讀書尤好胡氏春秋及歷代史見匿理強辨即怒勃然雖親且顯者弗貸至素所不善有善可稱之弗置也處士與其配呂君伉儷垂老無間言篤朋友死生不相背華故饒于田畝十則歲給無息米斛四佐其磁基經艾之費鄉族効之歲凶有券米斛四千聚於庭乞緩其逋者處士即裂券罷償歡聲載道由是兩子一孫皆本其志發粟賑饑為義官處士以弘治七年二月七日卒壽七十九子二人曰祐德孫男二

人從智從仁孫女多適名族其遺今監察御史陸完封孺人者德之少女也曾孫男三人曰金石竹多克家

論曰予與處士遊往幾三十年每見益老而平直之行時慎之終始一日也業之豐流之固其先世之所襲處士善繼述足以近承于盛時而充拓之亦惡可揜哉

蘭州同知封翰林修撰錢君傳

君諱中字用之松江華亭人曾祖實祖復父昌皆不在而復故儒者尤好子思子之書鄉人目為錢中庸君逮事焉年十六為儒學生以俊警聞嘗假同舍生文字不獲就目一再過即背錄不失一言由是學益博文必務出人上然三試南畿輒不利遂罷去客荆襄江淮間久之聞陳御史選提學江南躍然歸就試果甄錄之成化戊子中南畿秋試七上禮部又輒不利乃詣選曹請改隸南京便養母得歷事工部未滿五年聞母訃或請足期而後發喪君大慟斥之服闋以祿不及養乞

効 廷授蘭州同知蕭屬麗江府雲南絕徼也酋羅姓者世知州木姓者世知府特姻為奸虐君動以法持之羅故使督五井鹽課君正色曰我奉命監州豈專為鹽吏而已羅恚欲挾木中傷之君以詩抵木反禮君不敢肆而夷焚恚恃君以安分巡兩司若林副使後輩皆賢君微使稽鄧州軍餉再攝南縣又攝黑鹽井提舉司往來無虛月縣邏卒得賂縱盜以良民充名數歲不決君辨釋數十人黑井鹽坐濼虧課君至以足告上官言為非連州鍾乳乎歲庚戌委君入賀長至節值子福舉進士第一君曰是足以成吾志矣遂引疾致仕君所居後即晉陸放翁故地作樓其上合林下人結社號榮壽會口不及官政與郡士大夫飲飲盡醉若歌自適或規其放者君曰吾將藉以是全吾真使涉世後者不務稅也吾豈真放哉錢之先居嘉興桐鄉相傳忠懿王後元季君高祖德名避地華亭城西贅薄氏家焉君既得謝將往桐鄉合族定宗法未行而卒五月望後四日也得年五十有六君生負

氣傲。必惡以自見而數奇諸寡終不訕以求合然居家篤行早喪父祖母陳命傳食仲子及君時仲殷而君困君不可曰是畜養者之所為爾極力與其妻陸奉陳及母范咸得其歡陳之喪悉力營葬不以勤仲父君之子益企君之孝福為翰林修撰三載得推

恩封君如其官忽思君心動例不得歸省則移疾冒暑行至東昌得君訃福弟祚亦舉于鄉君治命曰葬地毋遠我祖父福等遂遵故龍襄事其地曰華陽橋蟠龍塘

論曰士之有所立于世者豈獨以其顯有後之為侈哉觀君於仕階未滿五日發喪事大母雖居貧無違禮佐遠州不鄙夷其人而真禍患于慶外非燭理明而逮義勇者能之乎人率謂君徒以其子故顯名而不知君之所自立亦誠有足書者故予為君傳不示侈焉明古之君子有所立者非全恃乎此也亦將以慰夫人于下地云爾

參政陸公傳

公諱容字文量姓陸氏蘇州崑山人元盛時號周涇陸家曰士明者販
遼東值兵興客死于福有姻郇徐氏因冒其姓福生繼宗生裕贈
兵部武庫員外郎娶陳氏生公二姪時母夢紫衣人以笏擊其首曰當
生貴子覺而公生厖厚白晢見者以為英物九歲賦詩有奇語十六為
縣學生大肆力于經史百家至廢寢食而凡擣蒲博奕之戲一不挂目
葉文莊公亟器之曰范文正公事業不可不勉也舉成化丙戌進士第
除南京吏部驗封主事始請于 朝復姓陸氏丁父憂服闋改兵部職
方會虜入邊遣將北征 勅公紀功軍中虜退而還進武庫員外郎大
臣患京城多盜請遣給事中御史部屬官五十人大索以公總其事公
極陳不可事果中格尋進職方郎中時邊報旁午封事日或四三上九
虜情虛實地里險易兵力分合皆犁然中其肯綮事下三邊三人驚服
大抵皆出公手而於沮征安南及罷勦鹽賊劉通兩事尤偉有昌佐者京
營都指揮故降虜也求參將雲商一臣當備

上意令兵部上其名甚急公持不可則 召至左順門諭之公曰既出
上意命下郎是焉用舉為且金齒騰衝外控諸夷要地也佐材力庸下
且夷種不可用若今日阿旨異日壞事雖禍及身家何益巨璫語塞事
乃已他如韋瑛之誅定捕妖言功不得世襲皆自公發之未幾丁母憂
服闋上疏言太倉兵衛不便者八事從之所司復采其尤切要者行天
下為著令除武選郎中值

今上初即位斥戮倖進庶政一新而太監李良典御厰為都指揮王欽
梁宏乞陞都督得旨矣公上疏極論都督武官極品體勢甚重不宜授
無功及非人而良等招權恃恩當正典刑仍乞立法以禁將來疏兩上
奪其新命士論壯之復上疏論八事曰儲養台輔曰教導勳戚曰愛惜
人才曰久任巡撫曰經理京衛曰選練禁兵曰均平鈔法曰慎重會議
而儲養台輔愛惜人才二事尤剴切時柄臣疑公侵官且臺諫方為之
排逐異已者懼公言動

上將陰中之尚書余公為言吏部得出為浙江右參政距上疏一月爾
公至任復條例兩浙不便者八事多見采納於潛民陳乙夫婦乞食夜
投宿桐廬山中漁家被殺瘞之而婦不死覺有人蹴其脅曰明星至矣
何不走訴婦自墓隙出遇公長號稱冤盡得其狀漁者論死蘭溪童憲
僉懋作頌美之辛亥

聖節入賀復上疏論漕渠利病不報癸丑大朝罷官者若干人而公亦
與焉聞者大駭公處之怡然且賦詩道別既歸於所居作成趣菴獨笑
亭日緇禪野服著書其間又改作先祠落成已屬疾猶強起獻拜如禮
以甲寅七月戊申卒得年五十有九公少即有志經濟如典禮兵刑漕
運水利之類罔不究極其本末利害手書之冊為施用之具識者以為
百不一試也居家孝友父為人所誣坐謫成連者二十四人公陳書上
官雪之奠母之日塚上廬次及城中屋宇烏鳥飛集萬數鄉人嗟異公
子未蕃夫人張氏數勸買妾公曰吾祖宗以來無畜妾者不可所著詩
文曰式齋稿浙藩稿歸田稿奏議在朝曰式齋筆記在浙曰封事錄記
事之書曰救園雜記式齋爾察太倉志別有其實錄水利集問官錄總
若干卷子一人曰伸舉于鄉嗜問學有行檢克紹其業

論曰公當弘治初伏闕上疏時予方以言者去國道中得其稿讀而嘆
曰偉哉晉陸之緒論乎然亦未始必其終獲遇也既乃聞其以論薦而
出有微意焉蓋出未久而罷且死矣道喪風靡士自晦則笑以為無所
取材而擯之稍露一二則又恐其得譽望有進用之漸必誣之使去則
以為快足豈獨後世哉若擯于一時而顯于既沒誣于小人而白于君
子固天定也士獨求其無愧而已公雖用不究所學然有建白在
朝廷有惠澤在民有著述在學者足以考見矣遇不遇奚病焉

全景明先生傳

全先生寅字景明山西安邑人少聰慧言失明無所事乃受易師學悉
究義經畫外之旨而以京房斷占多奇中正統間父清遊雲中挾景明

與俱三邊吏士有暇身休戚及軍利鈍成敗必就景明決之由是全先
生之名聞四方已巳秋虜酋也光大入邊

英廟北狩陰遣使命鎮守中貴人裴當問景明景明筮得乾之初九附
奏曰庚午歲仲秋 車駕當還 後七八年必復辟

英廟心識之時忠國公石亨以參將守雲中賢景明引為上賓動必咨
之暨

景帝嗣位虜益熾召亨還總京營亨以請有幹畧薦以自輔景明因侍
行至京時也先復入寇京師戒嚴亨召景明問計景明筮之曰無能為
也且彼氣已驕戰之必克虜果敗去庚午也先欲奉

英廟北還時率以為詐獨武寧伯朱謙上書懇請 朝廷持不敢發景
明力言于亨曰虜人順天舉義我中國返失迎奉之禮獨不為夷狄咲
乎亨遂與少保于公協議遣使虜果奉 乘輿來歸實庚午秋也

英廟以太上皇居南宮三年錦衣指揮曹忠上變外議洵 忠一日屏
人請筮景明以大義叱之曰是北人凶死不足財也懼而佯狂為風狀
兩宮乃安忠後伏誅如景明言

景帝之弗豫也中外以儲嗣未定為憂景明亟言于亨曰公國柱石當
委身致命以安宗社今危疑之際不早定大計禍且不測亨意遂決

英廟後將 景明 固辭乃命工范金鑄陰陽神靈四字為筮錢
十八字以象牙盒貯之以賜又賜魚牙金酒盃一白金彩幣若干會清
事將出莅徐州

全實得無借往平其授錦衣衛百戶在京居住景明復固辭不允
見亨寵位已極每因筮以持滿之道及覆戒之弗納卒及于禍景

明當景泰天順間名公卿大夫無不延接者然一語不及私事惟抑邪
與正濟顛扶危可致力則諄 不少回避遇古今圖史及異書必令人
傍誦聽之至老不倦又緣名字之義自號啓陽今八十有六歲尚康強

無恙三子長奎以材武自見官錦衣衛百戶次登治易為進士業次銳

以善書士隸中書舍人

論曰昔嚴君平卜筮與人子言依于孝與人弟言依于順與人臣言依于忠各因勢導之以善蓋賢而隱于卜肆者也。明先生固聞君平之風而有慕焉者歟其禮于名流不啻于權貴。有子老于聖世非倖也彼司馬季主不見知于宋忠賈誼郭景純不免于王敦之難其術精矣而其所得又景明之所不滿者歟

汪義士傳

汪義士中知字貴民唐越國公華之後休寧西門人曾祖養晦自西門遷漢口祖明德父亨義士為人頽然廣穎性介特寡言笑每讀書至古忠孝節義事即掩卷太息曰為男子而泯忍以度世亦惡用生為鄉先生聞而異之曰汪氏有子矣義士家有尺籍在貴州適當亨還自軍道其艱苦義士未冠也恒戚不樂宣德丙午詔簡汰諸路兵亨弟兄皆以老謝行義士毅然躡僑住代鄉人壯之貴州即聞其故儒者率

遣子從學義士因以其暇日為講說前史名將所為如何及近世養兵禦侮之要邊臣聽之無不慰愜或戎務弛張夷情虛實山川道里險易通塞有所咨訪因而舉錯甚多義士一再以公務還漢口省其父群從兄弟志長健衆議當番代以均勞者群從又相持不前義士恐傷之復抵成則髮漸種矣貴州古夜郎越雋地山水荒寒中土人非謫配罕至義士獨往遊其間歌笑懷古人莫識也都勻苗寇作貴州軍禦之失利義士所居保僅有人欲散走義士仗劍叱之曰當此際不叶力堅守即國家養我輩何用况分地不可擅去有大像乎衆志始定入夜備稍懈寇突入有牽義士急去者義士慨然曰士死義爾堅立不動且罵寇曰朝廷何負于爾敢猖獗若此遂被害正統十四年七月二十四日也得年五十有九少子南雲被虜月餘哀慕動寇不忍殺釋而歸之義士二子長義方次南雲也孫男三觀成昕觀早喪昕篤志力學為里塾師

史官曰郎之戰公叔禹人遇負秋入保者息而謂之曰使之雖病也任之雖重也君子不能為謀上弗能死不可也與其鄰重汪錡往皆死焉孔子稱其能執干戈以衛社稷嗚呼若義士之死固可與錡相望于百世之上矣而封疆之臣乃無畫策捐軀若公叔者不重可嘆哉

鄒佑之傳

鄒佑之無錫人宋寶謨閣學士忠公十一世族孫也所居曰華莊再遷龍涇至元季而桀中圮佑之曾大父伯惟大父洪昭父以善歷三世始漸復舊以善娶于華生五子皆有聞佑之其次子也性孝友於二親生盡養沒盡哀與諸弟甚篤一弟早死撫其孤如己子其讀書知要嘗誦武侯靜以修身語說之因取靜修名室以自警平生不急利而家益足其志在寡取因或其乏而并捐之故多不忍負之者長區賦取給公上而已處家有規與其配華肅靡睦相成教三子或力家或業儒無敢肆以譴者關所居東原為新甲第丁其里以時修忠公及上世丘壠無論

疏賦輯宗譜助刻縣志造塔諸橋浚香渠以利濟鄉人雖捐重費不悵所還徒若武功伯徐公太宰思軒王公憲副樓園劉公皆一時名卿遇佳勝處同載並遊觀者嘖嘖佑之晚歲深以盈滿為戒號其堂曰戒得不欲關世事作假山堂後畜古法書名畫于中又樓其南曰學閒終日手一編不置弘治戊午春忽遘疾以四月二十有二日不起實始生之辰也君子謂庶幾古所謂金歸者佑之每歲出貸米取息值大數有調之者曰貸不倍貸乎謝曰來時射利先世所不為也姪婦錢孀而無子請後以佑之孫不可曰渠自有同氣在徇之是利之也錢訴于郡召問故驚羨不已此二事人尤稱之佑之諱賢卒年六十有八嘗以歲飢輸粟得官然非其志也子曰愚承事郎曰魯早世曰鈍儒學生孫五人

論曰無錫為毘陵之望予恒過之見其山水秀明鍾之人宜多賢者而邇公先號知名士或顯或晦不可縷數子孫出而嗣其休祉遺烈者未

有極焉豈其所鍾者獨盛哉亦有所觀法而然哉若佑之所樹立美矣
鄉人為紀其行累千數百言大抵多富好禮者之常子因節之為傳非
不詳也得其大則小者可知也

封監察御史王公傳

公諱宗吉字天祐王姓世居蘇之吳江為碩宗所居邑西附郭梅里曰
壽之者元季聞天兵將有事于張士誠計大軍必自太湖登岸道梅
里以入遂避地仙里而舊業果毀于兵燹壽之生良輔生彥徵
生守仁勇于義守仁生公未三歲而卒再替而母吳亦卒撫于諸母
公雖孱然在疚而眉頰質性聰穎鄉先生吳善與守仁交莫逆問撫公
異之曰吾無以報亡友願孺子可教也收誨之公讀書過目不忘家故
有春秋左傳朱子綱目尤愛玩忘寢食弱冠學成即授徒里中嚴條約
如老師學徒日衆公念其先業中微思所以拓之者勤儉自樹不遺餘
力而未嘗取非義之利家浸以饒盡復其舊產以終父志所居是堂曰

樂善為石梁七鑿義井四貧乏病死者食粥施衣予藥給棺恒恐弗及
成化改元歲飢焚逋券數千辛丑再飢出賑米六百斛巡撫都憲王公
承制授七品散官辭不可鄉射禮行郡邑大夫必以賓禮之有疑政
多就問焉公處家庭甚肅分命諸子理家政治儒業僕僕各職其職而
不敢肆泰先禮賓及冠婚慶吊式禮給適中覽其所居曰遺安曰百忍
樓曰懷惠又創月湖蓮陂別墅於松江太湖上開園於所居東池曰涵
虛亭曰可怡橋曰凌雲谷曰賓而時與朋友詠歌其間弘治丁巳以子
貴勅封文林郎江西道監察御史人以為績學勳善之報公疾革時
處分家事不亂且召親友與訣命遷正寢而終是弘治十年十月四日
壽七十三先是公卜壽歲於王山之陽山擁水環境甚佳朕公心安之
督治衣衾棺槨皆倣古制至是葬焉娶于氏先卒子男二皆天繼沈氏
子男四曰賢義官曰哲弘治庚戌進士授監察御史嘗奉
勅按閩中又按廣東皆有聲曰明國子生曰敏女三長適郁樞次適徐

晉俱庠生又次適朱佩孫男五日恩邑庠生曰懋曰京曰東曰惠孫女
七曾孫男一曰檜

論曰吾聞其鄉人公嘗戒諸子曰兒輩處世勿急名利與其過取以
賈怨致禍孰若省費以安已濟人見二子不第歸指壁縣蠶種示曰此
物非時一幅紙耳當春則皆化生而為用世之物蓋各有時也論仕宦
則曰汝輩他日遇時致用慎勿以刑之威以偏斷事以利喪守以死易
節若不能痛戒雖弗仕可也又曰人之處世凡百成敗皆有天命吾老
矣平生經歷雖小事未有不由天而成慎勿患得失而喪名檢又曰吾嘗
慕古之豪傑越千載其名如生汝輩須立志以古人自期待其言皆足
補世教殆非今之士也傳所稱逸民禮所稱鄉先生沒而祭于社若王
公非其人歟

篁墩程先生文集卷之五十一

篁墩程先生文集卷之五十一

祭告文

補漢昭烈皇帝代孫權告廟文

嗣皇帝臣備敢昭告于太祖高皇帝世祖光武皇帝孝愍皇帝七廟神
靈臣備聞昔伯助能為唐成湯先征之而後放桀黎君黨紂為惡武王
先戡之而後伐紂勢有緩急動不可以後時理有經奉事宜從乎中
而伏以逆臣孫權秉時多難竊據江東尚以世受國恩同獎王室首遣
使者作為盟書繼進家人求通咸曉輅車來往屢修信睦之儀疆界分
別海無彼此之際日者將軍關羽進討國賊既下襄樊為權者不思倚
角之圖乃作反噬之計遣賊將呂蒙等掩襲我荆上殺戮我戍士臣羽
則委身國事伏節厲廷而逆權甘作叛臣不復尊周是念顯受偽命方
以吠堯為功穹壤不容人神共憤臣聞祖宗之法不道者必誅春秋之
書無將者罔赦敢附湯武之義先興黎葛之師尚賴宗社之靈天地之

祐廢成大業克濟中興臣備將以章武元年九月二日親率六軍恭行
天罰以丞相諸葛亮輔皇太子留守成都以車騎將軍張飛出閬中虎
牙將軍趙雲出江州建威將軍黃奉出江北侍中馬良出武陵五溪諸
蠻固不率俾將軍向寵等各率所部探甲以從誓梟叛賊之頭少示僭
王之警即圖大舉掃定中原祇奉寢園告謝天下臣備臨師不勝戰懼
之至

祭婦翁大學士李文達公文

維成化三年歲次丁亥正月戊辰朔越八日乙亥婿翰林院編修程敏政
謹以牲醴之儀泣奠于少保尚書大學士贈文師文達公尊文之靈座
前曰嗚呼政生十齡粗守庭訓誤蒙 命遠赴京師惟時我公實司
帝制命題試我喜溢長眉親教詩書 止其句讀動止語默罔不容心迨
及壯年遂妻以子奈何政棄 依歸屬續之前遺書見屬政愚不肖
此任苟世惟高竭心以

紉坐園前奠載陳有淚如雨尊魂如在鑒此來誠嗚呼來哉尚享

祭妻母夫人周氏文

維成化四年歲次戊子四月庚寅朔越七日丙申婿翰林院編修程敏
政恭備菲儀馳祭于外母封一品夫人周氏之靈曰嗚呼政自髫鬢受
知太師教育兼隆載妻以子夫人之意惟公是同遠意太師中道而殞
夫人繼逝同此玄堂卦音遠聞中腸寸裂二孤未室子然誰依蒼天悠
悠此慟何極緘辭千里數我微衷臨風馳情靈兮來格嗚呼哀哉尚饗

闕院祭大學士彭文憲公文

惟公質清以介學正而克魁甲榜于壯年士服其望登延閣于嗣歲世
慶其逢當

睿皇復辟之初拜受知于 舟東暨

今上正位之始首入侍于 青宮有康濟生民之志有不振士氣之功
有慷慨不奪之孝有離乎不易之忠人方仰勳猷之大著天胡憚耆俊

之遊史聖成而未上親備養而難終訃音上徹 愍策加隆節名二
惠通秩三公蓋以篤哀榮之令典重台鼎之儒宗也其等晚生孤陋素
欽德容渺塵遊之已遠悵晉見之無從尊酒既泐俎肴既豐公乎如在
假此敬恭

奉遷五世祖考妣祭告先祠文

維成化十二年歲在丁酉春三月戊辰朔六日癸酉孝玄孫翰林院侍講
敏政敢昭告于 顯高祖考者宿處士府君顯高祖妣孺人吳氏顯曾
祖考徵士贈兵部尚書兼大理寺卿府君顯曾祖妣贈夫人汪氏顯祖
考處士贈兵部尚書兼大理寺卿府君顯祖妣封太淑人贈夫人張氏
曰仰惟先德蔭我後人使皆竊有祿位以得奉其時祀顧敏政之父實
維宗子自乙未之歲得 請還鄉治疾于茲三年敏政愚昧不能以時
上告代供常事儀文疏畧神不顧享五世顯祖考妣非敏政所行祀歲
時禮潛徼福不經父自祖父以來伯叔無後與子孫之祀不及

侑食之列考之禮典亦或為薦用是敏政之子六十以今歲二月以來
始生丹毒幸已痊可繼發瘍疹自面及身日夜靡寧醫藥罔効是實敏
政之罪下逮兒身茲涓吉辰謹奉遷五世顯祖考妣以從每歲立春之
祀以叔祖以下諸無後者暨諸殤子殤女逐位拊食惟我先靈軫此一
脉胤系攸關異日將有奉祀之責特垂陰祐俾遂安全不勝懇切籲叩
之至恭率新婦待罪家庭謹告

奉安顯祖尚書府君遺像告文

維成化十三年歲次丁酉十一月甲子朔二十七日庚寅孝孫左春坊
左諭德敏政敢昭告于顯祖考贈尚書大卿府君曰惟藐孫之生未周
兩月不幸府君奄棄于家迨今三十有一年娶妻生子日遠日忘緬想
德容形諸夢寐謹令人拜迎遺像至京涓此吉辰奉安寓所仰惟陰靈
時垂陰祐俾我後人永有依歸不勝瞻戀之至謹告

祭亡弟克寬文

維成化十四年歲次戊戌冬十月己丑朔十五日癸卯兄克勤嫂李氏暨姪男姪女以牲醴之奠祭告于亡弟克寬之靈曰嗚呼痛哉吾弟胡為而遂至於死邪使二親不得慈其子二兄不得友其弟功名無成父子何恃嗚呼痛哉京居東偏昔所同處豈知一別遽成終古吾弟之魂其猶戀於此乎臨風一觴有泪如雨嗚呼痛哉尚享

賜假還河間掃墓告文

維成化十四年歲次戊戌十一月戊午朔二日己酉孝曾孫左春坊左諭德敏政敢昭告于顯曾祖考贈兵部尚書兼大理寺卿府君顯曾祖妣贈夫人汪氏顯祖考贈兵部尚書兼大理寺卿府君顯祖妣贈夫人張氏叔祖考處士府君墓下曰鑿維藐孫至愚不肖承乏講筵兼輔青宮館閣迴翔十有四載不獲以時修奉先塋終歲思之不遑寧處茲者蒙恩給驛而來敢用牲醴薦其常事載惟綸命式邁其歸即以明晨馳還故郡不遠千里省慰二親榮梓在瞻豈勝依戀仰冀專靈陰相其行俾我後人弗至失所庶圖文大以光前聞尚享

南山菴祭亡弟克寬文

維成化十四年歲次戊戌十一月戊午朔二十九日丙戌兄敏政祭告于亡弟克寬三舍之靈曰嗚呼痛哉汝真死耶我居京師離親八年所恃以奉養者以有兩弟在而汝遽亦捐其父兄處亦棄其妻子耶令我蒙恩給驛南還以慰二親以與汝訣悠二天地此恨何窮臨棺長號汝尚能知我之來乎否邪嗚呼痛哉尚享

祭槐塘族兄克和貳守文

嗚呼程氏雅有宗盟麗澤交孚惟我與兄二十餘年始終一誠弟叨近侍兄貳專城方期中道少遂平生胡遽茲癘卒老于行有賢嗣業有良政聲嗚呼我兄雖死而榮茲因謁告來自神京敢用香幣敬奠于楹靈步不昧鑒此衷情

卹典 命下奠告几筵文

維成化十五年歲次己亥冬十二月壬子朔孤子左春坊左諭德敏政
敢昭告于顯考資德大夫正治上鄉南京兵部尚書兼大理寺卿府君
茲者有司以顯考計聞荷蒙

皇上卹念舊臣特贈太子少保謚曰襄毅 賜祭賜葬一如典禮惟
先烈有此光榮祇奉 恩綸不勝摧咽謹告

吳山陰侯賀公廟告文

維成化十六年歲次庚子三月辛巳朔二十六日丙午孤子左春坊左
諭德程敏政謹遣家人程泉敢昭告于淳安縣 勅祀吳新都太守山
陰侯賀公廟下曰孤不孝罪重上累先公解官而南夜以繼日忽遭
雨水發灘危塊坐一舟臂不能奮鄉關在目膏火貯心惟神遺愛所敷
夙著徽土一夫失所匪神之安幸聞威靈閔茲孤獨潛銷陰沴大啓陽
明俾孤早奉几筵用伸哀悃荷神休庇沒齒難忘瞻望廟庭血隨涕霽
至家告几筵文

維成化十六年歲次庚子春三月辛巳朔三十日庚戌孤子左春坊左
諭德敏政敢昭告于顯考尚書少保襄毅公府君靈座前曰孤不孝之
罪上通于天不自死亡累鍾先考茲者得請解官奔喪以獲祇奉几筵
委頓之餘攀號無逮俯伏奠告伏惟鑒之

奉誌真章告几筵文

維成化十六年歲次庚子夏四月辛亥朔孤子左春坊左諭德敏政敢
昭告于顯考尚書少保襄毅公府君靈座前曰慟惟顯考計聞于

朝上自 九重下及多士追思者舊罔不盡傷除 朝廷特

勅詞臣撰文遠遣守臣諭祭自循彝典不敢瀆陳其餘真章五府及勳
戚大臣太子太傅英國公張懋等一道內閣及翰林國子儒臣太子太
保吏部尚書兼謹身殿大學士萬安等一道六部及臺寺大臣太子太
保兼吏部尚書尹旻等一道顯考舊同寅太子太保襄城侯李瑾一道
舊將署都督僉事李泉一道鄉人吏科給事中王瑞等一道各部司屬

刑部郎中過璘等一道十三道監察御史吳文元等一道親家通政使
司右參議趙昂一道山東按察司副使李讓一道致仕指揮同知凌錦
一道孤子之同寮同年友左春坊左庶子劉健右春坊右諭德陸簡等
一道并孤原請太子少保戶部尚書兼文淵閣大學士劉珣所撰顯考
墓誌銘一道謹奉告于几筵伏惟尊靈尚明鑒之不孝孤無任摧裂之
至

諭祭遷主告文

維成化十六年歲次庚子夏四月辛亥朔初七日丁巳孤子左春坊左
諭德敏政敢昭告于顯考尚書少保襄毅公府君曰茲者有司遣吏
來言將以明日奉 詔諭祭于家禮當奉遷靈座于堂中西隅東向不
孝孤等無任哀慟之至謹告

祔葬告亡弟文

維成化十六年歲次庚子七月己卯朔二十三日辛丑長兄次兄以清
酌蔬果告于亡弟克寬之靈惟尔其葬僧房歲月滋久一念至此寢食
不寧今將以茲月二十四日奉送顯考尚書少保襄毅公府君于南山
之原啓爾之殯祔葬前山爾魂有知鑒我哀歎

祔主告亡弟文

慟惟亡弟克寬之喪倏逾大祥始克從葬于顯考贈太子少保襄毅公
墓下惟茲神主理宜祔于顯祖考贈兵部尚書兼大理寺卿府君顯祖
妣贈夫人張氏以從歲時之祭謹告

告先世祖忠壯公廟文

維成化十六年歲次庚子八月戊申朔二十六日癸酉遠孫左春坊左
諭德敏政敢昭告于遠祖陳鎮西將軍開府儀同三司忠壯公廟下曰
惟靈勲德著于前史陰功被于一方況在雲仍悉出蔭下感恩圖報其
何能忘向者敏政宦處京師於丁酉年十二月十七日寅時獲生次子
書報于家我先考兵部尚書贈太子少保襄毅公請命先祠寄名祖保

餘澤所庇于今四齡新婦李氏為此發心特製絳紗袍一領用表孝誠
謹涓吉辰遵母氏之命稽顙拜獻伏惟尊靈尚歆奉之佑我後人永保
終吉無任緬仰追慕之至謹告

重作家廟奉安神主告文

維成化十六年歲次庚子九月戊寅朔六日癸未孤子左春坊左諭德
敏政敢昭告于顯考尚書少保襄毅公府君曰慟惟顯考捐館之秋適
不幸有回祿之變治命改作祠堂于正寢之東惟時不肖遠仕京師不
及預聞惟弟敏德克承先志以其年冬撤而新之用還治命併作祭器
神用顧歆適者敏政賴祖考之靈不即死亡獲襄大事復稽之禮書更
作新主奠安其中載念亡弟敏行禫事亦在茲辰兩小女孫禮當釋去
重服以從輕服惟敏政不孝不友以重茲厲伏告几筵無任摧裂

奉安五祀諸神告文

維成化十六年歲次庚子九月戊寅朔五日壬午奉訓大夫左春坊左

諭德程敏政敢昭告于司命之神司竈之神司門之神中霤之神族厲
之神稊氏之神漢壽亭侯關壯穆公之神遠祖梁將軍忠壯公之神唐
歙州總管越國汪公之神御史中丞贈揚州大都督張公之神曰惟我
顯考尚書少保襄毅公治命作堂于先祠之東武遵典禮以奉五祀又
以義起爰及衆神於惟衆神或孝友專主于胤嗣或忠義可法乎臣寮
或積功累仁慶延一族或禦災捍患澤被一鄉皆我先公平日所尊禮
而景慕者予小子其何敢不嗣敬之謹涓吉辰行奉安之禮伏願明靈
保我安居佑我家衆永無虞惟神是賴謹告

小祥告文

維成化十六年歲次庚子九月戊寅朔二十七日甲辰孤子左春坊左
諭德敏政敢昭告于顯考尚書少保襄毅公府君曰日月不居小祥奄
及夙興夜處哀慕不寧敢用剛鬣素毛采醴齊薦其常事介于諸孫
釋衰易練上遵禮制弗敢過情惟敏政不孝遠任京師以奉計之日為

始斬焉以俟終其餘日伏告几筵不勝感愴之至

祭從祖母曹氏孺人文

維成化十六年歲次庚子冬十一月丁丑朔二十二日戊戌從孫左春坊左諭德敏政太學生敏德謹以柔毛剛鬣清酌庶羞之奠致祭于從祖母曹氏孺人之靈曰惟靈德容莊嚴性資高介姆教宜乎室家頌聲均于內外敦相夫之義既克配以無慙任起家之勞亦祗勤而不怠遂能中歲見子女之成暮年享身名之泰蓋一家之老者淪謝惟孺人之為尊少者顛蒙惟孺人之是賴正宜抱節如晚菊之馨樂壽比喬松之耐何未嬰疾歿于三時早已委世塵于一芥使聞之者不覺走問狀而吞聲入憑棺而未慨也敏政等爰當官學之歸嘗預起居之拜雖含飴之未由亦鍾情之有在屬茲發引之期難及音容之拜謹致奠于几筵猶疑聞乎警歎魂兮來歆攀號莫逮嗚呼哀哉尚享

赴京謝恩告文

維成化十六年歲次庚子冬十一月丁丑朔二十四日庚子孤子左春坊左諭德敏政敢昭告于顯考尚書少保襄毅公府君曰惟聖天子不忘舊臣遣使賜祭者再凡百葬事悉從官給哀榮之典告厥成功禮當恭詣闕庭拜謝聖恩將以來日就道惟是天寒歲暮遠几筵尚賴尊慈扶顛持危俾不肖孤早達京師成禮而還無任感愴之至

元日設主告文

維成化十七年歲次辛丑春正月丙子朔孤子左春坊左諭德敏政敢昭告于顯考尚書少保襄毅公府君曰惟不肖孤道出淮陰守凍于舅氏之館伏遇歲事更新不勝感愴謹用設主告奠仰惟尊靈尚鑒享之過河間告祭先塋文

維成化十七年歲次辛丑三月乙亥朔初六日庚辰孝曾孫左春坊左諭德敏政敢昭告于顯曾祖考贈兵部尚書兼大理寺卿府君顯曾祖

妣贈夫人汪氏顯祖考贈兵部尚書兼大理寺卿府君顯祖妣贈夫人張氏顯叔祖考處士府君金沙嶺墓下曰惟眇孫以顯考贈太子少保襄毅公府君於故鄉南山之原 賜葬禮成謝 恩赴 闕道出青縣沂河而南瞻望先塋僅逾百里謹用登陸祭告而行伏惟尊靈尚垂鑒祐不勝哀慕之至謹告

男堯授官告文

維成化十七年歲次辛丑五月乙亥朔十五日己丑孤子左春坊左諭德敏政敢昭告于顯考尚書少保襄毅公府君曰嗚呼惟我顯考祇事列聖幾四十年出入中外十有三任累典征伐克有茂勳口不言功至於沒世惟不肖孤深懼先烈失墜無以 明示後來輒以秉情上塵天聽荷蒙

皇上篤念舊臣特降 綸音錄用長孫堯為錦衣衛世襲自戶世奉顯考之祀 聖恩覆被闕增輝仰惟

君父之德天高地厚嗟我小子其何能堪一惟訓迪後人竭忠勉孝以圖無負 聖恩無玷先烈庶足慰我顯考于地下哀慕之至不知所云謹告

祭衍聖公太夫人王氏文

維成化十七年歲次辛丑秋七月甲戌朔某日戚生左春坊左諭德程敏政尚書司少卿李璋錦衣衛百戶李玠謹以牲醴香帛之儀致祭于衍聖太夫人王氏之靈曰嗚呼人孰無歸也莫難于聖門之婦人孰無尋也莫難于聖門之母蓋必置身禮法之場從事詩書之府然後視內則以無慚於世教苟有補惟太夫人性資粹溫德容清楚視聽率異乎人言動必遵乎古長作配于孔門遂揚休于東魯早登執御既克相于大宗上奉烝嘗每來款于聖祖中年雖失乎所天兩器迭承苟有土懿此一人允膺多祜 鸞封燦爛下黃閣之絲綸鼎食駢蕃樂高堂之鍾鼓雖老也而不忘主饋之勤雖貴也而不厭女工之苦何感疾于一朝

遽捐卷於三釜然凡筵帛祭恩言特遣乎使臣光域經營 卹典載
申于繕部體將合兮幽宮神已游于玄圃柔嘉之德深刻隧道之碑賢
詰之名益重家傳之譜嗚呼若太夫人者其生固能使州閭化懿範于
家庭之間其歿亦將使草木被榮光于洙泗之許也邪敏政等幸叨姻
婭之親無復儀形之觀望闕里兮涕洟思託誠于尊俎遲淑靈兮歸來
薦臨風之薌杜嗚呼尚享

祭林舅文

維成化十七年歲次辛丑秋七月甲戌朔二十八日辛丑寓新橋驛孤
子左春坊左諭德程敏政謹致牲醴之儀馳奠于故安東縣簿致仕林
公先生尊舅之靈曰嗚呼舅氏何遽去予而長逝乎疇昔之歲舅方輔
予于新安託幸終其襄事今茲春予復拜舅于淮陰則已親于藥餌與
漸愈乎沈疴將益膺乎壽祉嗟離合之無常慨歲月之幾許期間安於
瀛城之南詎得計于新橋之溪嗚呼舅氏果遂去予而不起也惟母夫
人最鮮兄弟其在舅尊一人而已早升榮于仕途晚歸樂于田里剛介
之性雖不足于庸人明敏之才每見稱于先子奈何官僅止乎一命壽
方登于六紀豈天定之未然而福善之難恃乎然全歸無愧于宗祧宦
業屢延于胤嗣則天之報施善人固在彼而不在此嗚呼老人之容
無復覩之于目長者之言無復接之于耳身遙繫乎他鄉淚徒揮于浙
水望故郡之山川感新秋之風雨謹緘詞以告哀惟尊靈兮鑒只嗚呼
尚享

代瑩姬祭衍聖公夫人文

維成化十七年歲次辛丑秋八月癸卯朔四日丙午拙姊程氏婦奔舅
之喪舟次臨清謹以牲醴香帛之儀馳奠于亡妹孔夫人之墓曰嗟二
父母生子四人惟女兄弟尤切情親妹先有歸先生閱孰知生離遽
成死別庭闈繼殞追痛何言恨不如妹相從九原後予而來先予而往
遙望先塋不勝悲愴辦香一炷魯酒一卮臨風灑涕靈其鑒之

六祥告文

維成化十七年歲次辛丑九月壬申朔二十七日戊戌寓姑蘇驛孤子左春坊左諭德敏政敢昭告于顯考尚書少保襄毅公府君曰惟顯考棄背奄及六祥而孤以謝 恩南歸留滯於此感愴之至寢處弗寧載念 賜塋雖完碑石未具而石之足以垂久者莫良於吳產乃于驛舍延禮名流書之刻之並皆如法摹搨封裹多以就工嗚呼遷主易服之文遂獲愆于禮度昭德傳後之託幸無憾於私心謹以潔牲采盛醴齊薦其常事并奉刻完 卹典碑文一通神道碑一通祠堂記一通上告伏惟 尊靈尚明鑒之謹告

謝 恩還家告文

維成化十七年歲次辛丑十一月辛未朔孤子左春坊左諭德敏政敢昭告于顯考尚書少保襄毅公府君曰不肖孤謝 恩赴京道途濡滯以是歲十月二十五日與妻子抵家適茲六祥餘日方終禮當禫服不勝感愴載念孤至河間先塋 欽差工部郎中郭經一祭歸至濟寧衍聖公孔弘泰一祭至蘇州知府劉瑀一祭至浙江布政使閻鐸一祭此皆顯考遺烈在人久二不忘所致謹以奠章四通附告伏惟鑒之

禫祭告文

惟顯考棄背于今三年禫制有期禮當奉薦載惟不肖遠仕京師聞言稽緩負不孝之罪尚有待焉伏告几筵不勝感愴謹告

代母夫人祭兄文

程氏妹敢昭告于兄長縣簿公之靈茲者長男諭德敏政謝 恩南歸得聞兄長於是歲七月十六日考終承此訃音不勝驚惶謹用酒果奠告嗚呼痛哉

祭告顯考襄毅公文

維成化十八年歲次壬寅春正月庚午朔越三十日己亥孤子左春坊左諭德敏政敢昭告于顯考尚書少保襄毅公府君曰嗚呼不肖孤之

服盡今日矣慟惟顯考將使旨于四方孤不能效奔走候起居顯考賜
養疾于故鄉孤不能操几杖侍湯藥不幸而大故時方竊祿京師不能
舉棺衾以盡襲殮之禮既幸而襲大事又特拘于文法不能守塋域以
供灑掃之役惟顯考鍾愛于孤最深孤之不孝于顯考最重追悔莫逮
負罪難逃繼是以還惟當竭心力以養百歲之母隆友敬以保百口之
家謹身以求歸全教子以圖繼述昊天罔極言止於斯伏冀尊靈俯垂
昭鑒不肖孤無任哀慕之至謹告

修復先塋告文

嗚呼惟我先世塋域在故鄉者自曾大考尚書府君北遷以來八十餘
年守奉弗虔莫能修復寢食靡忘茲者眇孫過不自量大會宗譜得陪
郭宗人所收至正五年膳塋錄及家藏延祐二年經理保簿稽對字號
參考姓名一二相同如合符節惟始遷祖唐欽州兵馬先鋒使萬一府
君暨祖妣夫人曹氏墓在東臯陪郭宗人經理無恙十八世一使

府君暨九使府君以下墓在東山十七世祖二教授府君墓在富瑛十
五世祖大教授府君祖妣安人余氏十四世祖妣夫人金氏十三世祖
東山居士府君祖妣孀人劉氏十二世祖二處士府君十一世祖二將
仕府君祖妣安人吳氏及萬一上舍府君以下墓在余頭村程家林十
四世祖大團練府君墓在禾斜碌礪塢六世祖大提領府君墓在司徒
山蘭絞坑者俱已勘明悉復其舊惟十六世祖二迪功府君祖妣安人
劉氏及十一使以下墓在十保東山者未有次緒誓當竭心罄力以圖
修奉九我先墓久而復完非賴祖考之靈啓迪後人曷能臻此其未獲
者尚祈默禱用底於成庶幾歲時得率子孫少供灑掃之役以追不孝
之罪惟尊靈其鑒之

太師徽國文公闕里告文

維成化十八年歲次壬寅二月庚子朔越十日己酉鄉後學左春坊左
諭德程敏政敢昭告于先師宋太師徽國文公先生祠下曰伊川道脉

先生之所由傳環溪女宗先生之所自出表復亨之墓而詳其世德嘗有取於程氏之先答成甫之書而勉之進修復有望于程氏之後惟敏政程氏小子新安一生活在家庭獲誦于遺書登仕籍乃塵于講幄曾無肖似徒切戰兢今茲幸進于門墻始得致恭于棗梓辨香在御旨酒一陳伏惟明靈祐此愚昧嗚呼泰山喬嶽之容固常目念之如在正心誠意之學願終身誦之弗忘謹告

祭武進致政郎中金公文 諭德廉伯之父

維成化十九年歲次癸卯四月丁巳朔越三日乙丑左春坊左諭德侍生新安程敏政北上京師道出毘陵謹備牲醴之儀致祭于故致政郎中金公先生之靈曰嗚呼先生胡寧止于是邪世經之純宦業之美晚節之完非一世之士邪况授經 儲闈執筆太史益昌厥家有賢嗣邪然則先生固無憾矣惜也耆英方事于尋盟壽母遽聞于不起此其心將歎于九原而不能自己邪亦豈非年迫衰暮禮踰哀毀幾古人得正而斃者邪如我鯽生最號無似同榜聯官皆後令子契誼之深寧可涯淡憶生之歸省也先生燕勞而禮之甚喜暨生之奔喪也先生賻弔而恤之備至孰意相違竟隔生死人生幾何歲月如駛此生所以聞訃失聲而涕不能止也渺 綠蕪悠 江水無從執紼以助襄士敬潔一觴奉奠靈凡嗚呼先生尚如此邪哀哉尚享

清源祭鄉友查以忠文

嗚呼查君衣冠之胄孝義之門有典雅可愛之行有醞藉可聽之言老檢蒼蒼其色之健醇醪泛其氣之溫識達古今與讀書者何異酬酢事變雖作官者不論嗚呼查君世家徽郡久客清源云胡一疾遽歸其根曾觴咏之幾許驚歲月之如奔訃傳異域聞者聲吞嗚呼查君有子克肖有族斯蕃江湖之譽雖晦而尊箕裘之業雖沒而存觀將歸于逆旅悲不任兮鄉園某等賓館夙契交道恒敦或學嬉于共案或誼重于聯昏好月登樓空誦玄暉之句南風倚棹難招宋玉之魂敬陳薄奠有

淚瀾翻

滄州祭趙氏妹文

成化十九年歲次癸卯夏五月壬辰朔越二十九日庚申左春坊左諭
德程敏政自新安服闋赴京舟次滄州薄具牲醴之儀同合家眷等致
祭于亡妹趙家婦程氏貞閑之墓曰嗟：吾妹胡至于斯淑慎之容莊
毅之行宜膺壽祉光我門楣一旦訃聞舉家悲慟今過墓下旅况何堪
薄奠一觴老稚咸在流水東逝落日西傾靈兮有知鑒此衷曲嗚呼哀
哉尚享

祭崑山陸先生文

諭德鼎儀之父

惟君崑山之英平原之族行植孔良書香是續韜能弗售隱終其身悉
是庭訓成彼嗣人乃擢魏科乃官 禁近入輔 青宮名登位進惟
皇覃澤推孝勸忠曰子之顯惟父之功有赫 命恩元士之服有美榮
卷大夫之祿尤增林壑慶衍孫曾宜膺晚福益介椿齡云胡遘屯一疾
弗寤孔寵擬再班悲生遽訃某等夙回令子館閣同游悼此賢父歲月
彌留肅：鄉評善人告瘁我：貞珉有道何愧爰潔牲醴遙盼几筵臨
風三奠浮世百年

南京使還過河間告先墓文

維成化二十二年歲次丙午冬十月

朔

日孝曾孫左春坊左

諭德敏政敢昭告：顯曾祖考贈兵部尚書兼大理寺卿府君顯曾祖
妣贈夫人汪氏顯祖考贈兵部尚書兼大理寺卿府君顯祖妣贈夫人
張氏叔祖考處士府君墓下曰辛丑之春道出瀛洲嗚哀之餘獲視松
楸俯仰于今五易寒暑拜掃弗時不遑寧處竭承

上命校文南畿幸竣公事乘傳南歸有便 王程有感霜露敬止鄉園
遂我秉素力屏才薄恒懼弗勝求逭愆尤先達是憑簡書孔嚴即當就
道琴瑟無由謹此奠告尚享

祭都督董公文

惟公之少也有冠軍之勇有討賊之功其壯也有守邊之畧有謀國之忠天胡不畀以松喬之壽茅土之封使十年居于散地而一日返乎幽宮也惟先尚書於公友善勤王之秋實相論薦惟我季父亦公所賓通家之好遂結姻親疇昔之年賤于奔訃公來慰之不勝哀呼四更寒暑賤于還朝壽公于堂老氣尤豪曾幾何時遽聞不作傷舊將之淪亡痛先友之零落然勅葬有典賜祭有文始終恩禮昭其茂勲矧克成家有美諸子武已世其金緋文將開于青紫光前振後生榮死哀公雖捐館亦何憾哉茲發引之有期望故山兮嗚嗚爰致奠于一觴渺予中而長嘔悠々丹旆隱々靈輦公神不亡庶其鑒諸

祭禮部侍郎新昌俞公文

惟公東浙舊家蔚為時彥甲科致身允矣名宦回翔禮署敷歷兵曹南還最績西伐賢勞遂貳秩宗進副司馬恪恭神人安攘夷夏帝心簡在士論攸歸云胡溝疾遽與世違某等或在交游或通家好忽

聞訃音重為世悼靈輿載啟清酌一陳惟公來格有涕沾巾

祭陸職方文量母宜人文

猗嗟宜人德容靖溫早克閑于姆教長獲配於儒門佐夫有起家之力淑身無越戶之言有美賢嗣如鳳孤騫既策名于甲榜屢進秩于樞垣宜人無恙聿荷天恩祝仙齡於耄耋享祿養於晨昏輝鳳誥肅魚軒胡嬰疾于京邸遽返柩于家園然福被諸孫源不竭銘書太史世勸攸存慨人生之獲此撫修景而奚論其等友于賢嗣義託麓墳黯緇鹿于北洗揚丹旆于南轅望吳山兮隱々渺滄海兮云々有牲升俎有酒注尊敢薄侑以哀此恭致奠于貞魂其鑒止于飲于殮嗚呼哀哉

先祠初作神板告文

敏政薄宦于朝不能守奉先祠連歲卜居祀事苟簡負不孝之罪大且久矣謹於仲春既望竊取司馬氏神板之文及子朱子降殺神主之說

初作新牌以備行祠之制伏惟尊靈降安于斯以求庇我後人不勝追慕依戀之至謹告

祭亡弟克儉文

維成化二十三年歲次丁未五月庚子朔二十六日乙丑長兄暨合家眷等致奠于亡弟克儉之靈曰嗚呼先公四男伯仲叔季喜莫如子最多兄弟稚殤壯殞曾幾何年悲孰似我無一弟焉子稟素豐我病多獲家事萬千將于是賴云胡棄我孀然妾形號天扣地恐不予膺母氏在堂壽開七袞不共稱觴此恨何詰諸孤子女纍纍滿前觸目傷感有淚如泉壽否窮通苦不可關命也奈何願子無憾將來善地以崇子封力訓吾姪以亢予宗白日西馳流水東逝人生可憐倏忽如寄靈車戒曉暫寓僧房登堂顧盼恍如未亡手酌一卮中腸寸裂骨肉在庭與子永訣嗚呼哀哉尚享

月河寺亡弟啓殯告文

維成化二十三年歲次丁未七月戊戌朔三十日丁卯弟兄以酒果牲醴奠于亡弟克儉之靈曰惟汝之柩暫厝僧房不覺四旬矣天暑漸退南舟可行擬於八月一日啓殯上載特來訣別酌此一觴天乎慟哉汝真往矣嗚呼尚享

祭定西侯蔣公文

維成化二十三年歲次丁未秋九月丁酉朔越二日丙辰某官某等敬備牲醴之儀致祭于故太保兼太子太傅定西侯追封涼國公謚敏毅蔣公之靈曰嗚呼智足以籌邊勇足以破賊猗惟公之材武爲世勲而出色力四殫于致

主心屢懷于獻忠猗惟公之謀謨與上宰而分功正宜沐 渙恩享高壽攘外夷輔

明后垂偉烈于汗青騰休光于介冑云胡美疾竟殞將星朝議爲之驚惜 聖衷爲之靡寧真遺秩宗賻出內帑節終加新爵之封

勅葬近先公之壤始卒 恩禮鬱乎爛然方諸既往孰與差肩矧嗣侯
之克繼又何憾于重泉惟公誼篤斯文樂親良友如我輩之疎慵亦恒
期于耐久追思接席談笑相忘倏焉致奠涕泗悲傷慨流光之難挽喜
令名之不止筆陣鋒閑詩壇盟解盡此一卮想見風采嗚呼尚享

祭太醫院使錢君宗嗣文

惟君世業軒岐兼通書史號稱儒醫受聘而起衆中穎出供奉尚方
九重之眷一代之良活人功多靡憚勞逸雖整厥心竟殫其力計聞于
上郵典重申錫之御奠官其嗣人生榮死哀君亦何忤惟交游中孰其
砥藥選京口隱佳城賢聲不替有誄有銘凡是旣遷靈輜載道爰
酌一觴涕泗相悼

祭襄城侯夫人汪氏文

魏戚里有毓其華赫功臣有宜厥家出專師垣入贊 皇畧夫若
在公內顧有託事親以教御下以恩克相夫君閨範斯行孰褒其名

鸞書玉軸孰育其身冠象服維容之懿維德之貞備福備老庶幾稱
情勿驚訃音上動 宸極諭真儀 賜葬有勅交揚芳有嚴刻文
春秋主祀有美世勲歿焉盡傷生也榮豔荷嗟夫人亦復何憾其等夫
君未葬屬在同朝惜茲內助溢焉早凋畫堂載陳丹旆將出敢酌一觴
幸鑒于室嗚呼哀哉尚享

祭太僕卿韓公世安文

惟公通練之姿文獻之胄選試而升比于論秀早典秘書法從周旋晚
司譯文 國威用宣鴻臚中書天曹太僕屢更其銜亦武其祿謂公弗
顯三品崇階謂公弗壽七袞將開從事詞林莫如公又告哀

九重恤典亦厚 賜葬有儀諭真章始終恩遇可謂非常其等與公
交游式相情好撫公之夜華增感悼觴奕之樂笑語之溫不可復矣敬
酌一尊

祭都憲東安李公文

嗚呼公乎人方祝松喬之齡仰耆蔡之德度一代之老成為後進之矜式忽聞捐館罔不太息而况有通家之素供弟子之職失所瞻依可勝痛惻雖然正大之學高明之識位列鄉則世誦其賢勞居諫垣則史載其遺直已貴而守儒之常未老而末去之亟矧一經之承傳嘉四子之軒特論真有儀 賜葬有勅哀榮始終天固無惑彼容悅以圖功名或奔走而矜智力以彼較此孰豐孰嗚呼公乎其何可得其幸聆教言獲奉顏色操几杖以無從驚發引之在即敬酌一觴有涕沾臆

陞官祭告先祠文

惟眇孫不肖伏蒙

聖天子嗣位念及官僚濫進兩階改服金紫仰承遺訓懼切于衷爰自國解以來屢奉山陵之後未伸虔告歲律將更謹以潔牲粢盛醴齊祇薦歲事俯伏上聞不勝哀慕尚享

祭土地文

維成化二十三年歲次丁未十二月丙寅朔三十日乙未詹事府少詹事兼翰林院侍講學士某昭告于本宅土地之神曰惟神奠我有家為惠甚大云胡今歲人口多虞疑有不恭以獲茲戾比者再新堂室次第工完小子何知乃逢幸會仰承 新命濫進官階非藉神休弗克臻此感 恩謝罪敬薦微忱俯冀來歆永垂庇佑尚享

祭叔父明威府君文

維弘治元年歲次戊申夏四月甲午朔姪男詹事府少詹事兼翰林院侍講學士敏政謹具牲醴之儀馳奠于叔父明威將軍潘陽中屯衛僉指揮事府君之靈曰嗚呼惟我先公兄弟二人競爽起家如車兩輪勲立名成允文允武以迪後昆以顯先祖孰期中道上譽先公江北江南抱恨無窮一門之中幸存叔父恒率家人以祝多枯夫何遽疾奄忽三時委棄諸孤遽止于斯六表脩齡未為不壽萬戶崇階未為不偶叔父何憾我心則傷骨肉幾許相繼淪亡羈宦于 朝莫由視殯千里瀛

洲臂不能奮奉安遺體幸卜佳城奉揚偉烈敬製新盟遙望几筵薄陳
告祭叔父有靈鑒我誠意嗚呼哀哉尚享

南歸過河間告先墓文

維弘治二年歲次己酉三月己未朔初九日丁卯孝曾孫詹事府少詹
事兼翰林院侍講學士敏政祇領孝玄孫錦衣衛百戶堽敢昭告于顯
曾祖考贈兵部尚書兼大理寺卿府君顯祖妣贈夫人汪氏顯祖考
贈兵部尚書兼大理寺卿府君顯祖妣贈夫人張氏叔祖考處士府君
墓下曰於惟祖考垂裕深長俾我後人獲霑茫蔭藐孫無似竊祿有年
守官弗良遂隳先訓仰荷
天子宥罪念功得放歸田感恩何極瀛東之里冠珮攸嚴謹奠一觴
不勝惶懼未由戾止時奉塋園將返新安省循朝命脩身補過用畢
餘生惟是幼男暫回寄祿主承宗祀責在於斯願相其成以光門緒啓
行在即惟靈鑒之謹告

告叔父明威府君墓文

嗚呼丙午之歲拜叔于堂喜極呼飲歌笑洋：今茲之來拜叔于墓宿
草菲醑此清醕人生幾何世路孔艱姪亦老矣獲歸故山先公在南
叔父在北姪雖踈慵敢自乖隔舉家登陸告別而行惟叔如在鑒此衷
情

祭孀母恭人劉氏文

嗚呼叔父捐館猶未期年叔母在堂期臻遐筭何家不造相繼而終旅
邸訃聞曷勝哀感今茲奉母得還故鄉謹伏几筵用伸奠告子婦咸在
靈其來歆嗚呼哀哉

祭錢氏妹文

維某年某月某日長兄備牲醴之儀今男錦衣衛百戶堽拜奠于亡妹
錢氏婦恭人貞善之靈曰嗚呼女弟之中惟汝最長介淑之行允宜厥
家云胡壯年遽爾長逝幸焉有子可振芳聲手足之情悲何能已靈筵

一酌汝其鑒之

告謝南山后土文

維弘治二年歲在己酉十一月二十四日某官某敢昭告于南山后土氏之神曰疇昔之夜小女月仙病痘夭歿倉卒瘞于茲山告祭弗嚴不勝惶懼敬以牲醴用伸謝譴惟神鑒之謹告

祭告五祀衆神文

維弘治三年歲次庚戌春二月癸未朔十五日丁酉具官某敢昭告于司命之神司竈之神司門之神土地之神司厲之神遠祖忠壯公之神周孝友張僊之神漢壽亭侯關壯穆公之神唐越國汪公之神唐睢陽守中丞張公之神曰惟我家仰託神庇獲奠斯土亦既有年邇者歸田考閱祀禮主像雜採神不顧歆况我有先實維忠壯乃無專祀於義尤乖謹於中堂敬安遺像其諸所奉位號再新有嚴斯辰衆靈是安人心既協神理攸宜用告其誠尚希昭格

聞三叔祖處士之訃告文

嗚呼一宗長幼惟翁是尊方冀明年八表是慶相違半載遽聞訃音南望故山曷勝悲悼敬率婦子發哀于堂惟尊靈其鑒之尚享

篁墩程先生文集卷之五十二

祭文

南山賜塋填塘告文

維弘治三年歲次庚戌冬十二月戊申朔六日癸丑孝男詹事府少詹事兼翰林院侍講學士敏政敢昭告于顯考尚書少保襄毅公曰塋垣大門之前舊開有塘一口近日多聞人言方位非宜謹擇初七日興工填漲仍舊作田以供祀事惟神鑒之謹告

代塋姪葬父告先墓文

維弘治三年歲次庚戌冬十二月戊申朔六日癸丑孤子塋敢昭告于先祖考徽士府君先祖妣吳氏孺人墓下曰先考去世於今三年墓殯僧房未得安厝茲者得卜于祖塋之東將以初七日興工開墳伏冀尊靈默加陰祐俾我後嗣永獲依歸惟靈鑒之謹告

亡弟啓殯告先祠文

維弘治三年歲次庚戌冬十二月戊申朔八日辛卯孝男詹事府少詹事兼翰林院侍講學士敏政敢昭告于顯考尚書少保襄毅公曰惟二弟敏德殞于南山祠堂歲月茲久近始得卜于水橋于於先塋之東擇以是月九日落殯安葬不勝哀悼之至伏惟尊靈尚其鑒之謹告

祭亡弟文

維弘治三年歲次庚戌冬十二月戊申朔八日辛卯弟兄令男堯以牲醴之奠致祭于亡弟故詹事府簿判蘄州事克儉之靈曰嗟吾弟堯殞僧房卜窆三年未有定所今茲獻吉乃近先塋歲晏時良為君安厝所恨非寡父病家居未得躬親撫棺掩土神傷涕殞命也奈何水決一觴言不能盡嗚呼哀哉尚享

代堯姪啓殯告文

維弘治三年歲次庚戌冬十二月戊申朔八日辛卯孤子堯敢昭告于顯考詹事府簿判蘄州事府君曰慟惟顯考之柩暫寓南山僧舍於今

三年海一擇地佳兆難逢今者得于水橋于祖塋東畔向甲負庚敬禱于神一占告吉謹洵是月九日奉啓殯殯就彼安厝以少逭不孝之罪泣血上請惟尊靈鑒之謹告

先祠奉安告文

維弘治三年歲次庚戌冬十二月戊申朔九日丙辰孝玄孫詹事府少詹事兼翰林院侍講學士敏政敢昭告于顯高祖考著宿處士府君顯高祖妣安人吳氏顯曾祖考贈兵部尚書兼大理寺卿府君顯曾祖妣贈夫人汪氏顯祖考贈兵部尚書兼大理寺卿府君顯祖妣贈夫人張氏顯考南京參贊機務兵部尚書兼大理寺卿贈太子少保襄毅公曰藐孫不肖獲承有家守官弗良有玷先訓蒙恩寬貸拜退家居上奉慈親下撫孱子終鮮兄弟孑然一身多病相仍歷時經歲冥二衛護實賴先靈幸保餘年以供祀事載惟門戶爰及家庭考古定方多未協吉徵諸夢寐衆議攸同謂啓東門庶寬悔吝日者上請殿工告成重念先祠逼

近喧雜大懼褻慢負罪彌深伏見前堂高敞深遠故消吉旦如式奉安
仰冀尊慈曲加庇佑憫茲老稚繫孫一人少道憂虞裨圖不墜英爽在
上鑒此歷誠尚享

改門告文

維弘治三年歲次庚戌冬十二月戊申朔十三日庚申詹事府少詹事兼翰
林院侍講學士程敏政敢昭告于司門之神曰惟茲吉旦于宅之東開啓大
門以便出入牲醴致奠用告其成永無虞惟神是賴尚其鑒之謹告

文帝告文

維弘治三年歲次庚戌冬十二月戊申朔三十日丁丑詹事府少詹事
兼翰林院侍講學士程敏政敢昭告于玄天上帝之神曰於惟上帝秉
司化原開我生人功德無量享郊配帝厥有故常惟此陋邦有嚴勝境
雲巖之上帝實臨之實厲而賜宸尊是賴家戶戶祝在禮攸宜蟻虱小
臣遭時乖蹇仰蒙陰佑感激難名茲遇歲除奉安神御載陳明薦用告

微誠尚享

祭臨塘范處士文

惟靈高平之宗臨塘之彥溫恭孝友位重鄉閭宜享遐齡益綿晚福云
胡一疾卧簣經時訃音相傳不勝驚悼顧予不佞姻好有年多疾相傷
未由徃弔緘詞致奠用白其誠靈兮如存其來格嗚呼哀哉尚享

祭汪儒人文大理寺副

惟靈毓秀名族歸于大家夫君中殞肅無譁內外一詞允賢維配有
子登庸侃二廷尉榮膺鼎食襲享鸞封名昭慈節壽擬喬松一疾幾
時溘焉弗起哀音遠聞傷悼曷已賢郎奔訃還自京師矧在姻眷執紼
攸宜叢萱萎霜寒自在戶機杼夜閒杯棬如故敬陳薄奠緬仰令儀靈
兮如在尚鑒于斯

祭武昌尹汪璽親家文

惟靈望出忠賢學優庠序擢秀桂宮綽有文譽禮闈弗偶銓部登榮出

宰花縣聿騰政聲豐碩之姿遠大之器駿發有期允顯先系維茲之歲
屢接手書吳楚睽隔每歎離居夏秋之交忽聞訃告眞膺是疑曷任悲
悼嗚呼禍福相倚天意難謀吉人淪謝何善何淫矧在通家情好維密
李女聯姻雅非一日昔登公堂酌酒賦詩今拜公像白日寒颼清醑一
陳旅肴載設英魂何之幽明永訣

祭常德同守致政李公文

太守年壽之文

猗嗟李公去何速邪人所願於公者樂子孫之養享山林之福振清白
之風勵浮靡之俗雖百年相期未為足也胡美疾之嬰遽至不祿使洛
社之老咸弔影而相悲專城之子徒望雲而慟哭也惟公平生學苦行
淑律已嚴待入穆發奸之明父為吏師惠民之仁展也良物力孔
殫於救荒心恒盡于治獄其督教也不速而成其佐軍也不令而肅眾
美做蕪媿彼六二况恩出于上則再昇平絲綸慶衍于家則森樞
蘭玉公雖溘然拘館而昭然在人者百世可錄也存偉專城繼公芳躅
直諒之行不阿清介之守彌篤視此邦民愛等春育片埽之人禮敬相
屬緬想若翁音容可掬宜涕之不能自已而語之不可以更僕也惟公
之壽我序以祝惟公之行我表以暴清濟之間新遷載下遙奠一觴寄
我遐矚渺二雲山萋二松菊公神不忘鑒此衷曲嗚呼哀哉尚享

祭先師宮保尚書殿學劉公文

維弘治五年歲次壬子夏四月辛丑朔二十四日甲子門生詹事府少
詹事兼翰林院侍講學士程敏政謹東向頓首告奠于先師宮保尚書
殿學古直先生劉公尊靈而言曰惟公鍾海岳之英抱經濟之學才氣
振千古之豪文章擅一代之作輔 聖德于青宮贊 廟謨于黃閣有
力扶正論之節莫久于鈞衡有陰翊 宗社之功卒困于枘鑿六旬初
屆卽返立園百年為期遽翔寥廓何君子企公之深而造物者遇公之
薄也惟先君號金石之交故賤子有門墻之託雖學健而行迂兼志強
而才弱寧以道為屈伸敢因時而前却歎我生之不长而教言之如昨

也訃音歛聞驚涕雨落日月推遷林野蕭索謝傳不起于東山司馬竟
終于西洛此心曠日亦何損于衆咻世態浮雲曾直公之一喙顧生何
知負恩懷忤身幸免于竄投病未離于砭藥遙瞻几筵一酌清酌公神
如生鑒此衷悵嗚呼哀哉尚享

男壘畢姻告先祠文

維弘治五年歲次壬子九月己巳朔二日庚午孝玄孫詹事府少詹事
兼翰林院侍講學士敏政敢昭告于顯高祖考者宿處士府君顯高祖
妣安人吳氏顯曾祖考贈兵部尚書兼大理寺卿府君顯曾祖妣贈夫
人汪氏顯祖考贈兵部尚書兼大理寺卿府君顯祖妣贈夫人張氏顯
考南京參贊機務兵部尚書兼大理寺卿贈太子少保襄毅公曰往者
為長男錦衣衛百戶壘結親于婺源汪氏實惟故春坊司直貞一先生
之雲孫今城都太守公文燦之仲女以今八月二十七日畢姻上賴先
靈獲成嘉好祀事有託感喜交拜謹以粢盛禮齊潔牲庶器用伸虔告

尚享

祭甘母夫人文

徽州府同知昭之母

惟靈毓秀高門長歸著姓維女之貞維婦之令一子登庸母儀既盛九
表將開人瑞斯應知是賢郎名德兼勝享榮之才循良之政榮養方殷
丕顯家慶 褒封有期上膺

帝命仙齡不騫如山之靜童顏不衰如松之勁云胡北堂嘉辰罔競計
音相傳悲悼曷罄敏政忝在通家緬思淑行遠道相望莫由申敬萱殞
秋深猿啼夕暝臨風一觴用達慈聽嗚呼哀哉尚享

壬子冬餞歲告復官文

不肖 賜歸於茲五載課畊奉母循省不遑忽拜 綸音特從公議昭
雪幽枉俾復舊官先訓明 幸茲罔墜 需恩逾分益切冰兢餞歲有
儀敢供厥事拜伸虔告惟靈鑒之尚享

鄧州新建李文達公祠堂時祭文 代作

惟公高文碩學一代宗儒重德令猷 兩朝元輔儀刑雖遠盛烈如生
乃眷鄉邦有嚴祀典仲春吉日恭薦常儀仰止高山曷勝景慕尚享

祭魏參將文文獻作

惟公夙負英姿早膺世爵歷事元戎遂開兵畧征蠻西徼禦寇中州民
綏盜戢位進名流爰奉 璽書佐鎮于蜀威懾番夷令行部曲果敢之
志精悍之才方期 寵命授鉞登臺云胡數奇乃爾一箭軋之

台東還奉朝請驅馳萬里有爽節宣 國門告訃孰叩彼天惟我先君
識公偉器有女于歸百年是計今駭一旦虎委熊顛臨風大慟撫膺何
言靈輿朝行神劔夜吼追想風儀如左如右芳嚴崇俎清酌滿卮公兮
不亡來格於斯嗚呼哀哉尚享

新居祭五祀文

維弘治六年歲次癸丑秋七月癸巳朔二十一日癸丑詹事府少詹事
兼翰林院侍講學士程敏政敢昭告于司命之神司竈之神土地之神

言此之神

神曰邇者不佞仰承

國恩復建舊官爰置新第肇

工興作自

秋乃底于成繫神是賴奉親挈穉今日來居上妥明靈

用伸虔告

在奠伏惟鑒之

祭水凌揮使文

故懷遠將致政揮使凌公尊親之靈曰嗚呼發身介冑致位金緋公
之壯歲屢歷艱危上慕松喬遠遊江海公之晚年容色未改金丹有訣
謂可延齡府無階必俟登名我歸江南尚及一訪我還京師公已長
往矧公之子玉瘞堪憐復有貳室繼居九泉累三喪丹旆素幕行道
傷嗟况于至戚惟子女弟實配公男請誌斯墓義非所堪發引有期東舉
託處古道西風幽堂殘暑世傳尸解公或未亡疇其來格受此一觴

祭故叔祖三處士文

曰嗚呼崇禮守道晦跡家庭處士之德衆仰儀刑年開八袞日飮參苓
處士之壽方樂康寧矧有賢子嗣其德馨亦有哲孫繼其世經正宜遐

福進享修齡云胡遽疾大夜難醒敏政不肖入仕在廷忽聞訃報兩
涕交零嗚呼教言泯矣孰予箴銘族尊盡矣孰予使令吉壤之下有美
巖扃遺像之存有肅丹青牲進于俎酒瀉于瓶奠奠如在鑒于冥鳴
呼哀哉尚享

祭宮保尚書昌黎張公文代士敬作

惟公一代偉人四朝元老榮躋八座名重三孤早遂歸休宜膺晚福
况有顯嗣侍養家庭美疾俄嬰遽成永訣年逾七袞計上九重
御奠龍章宮營馬鬣隆三恩禮同董幾人壽考今終公亦何憾
所以菲薄幸託姻聯知愛之深惠教之厚銘心有日報德無從緬想音
容易勝悲悼靈輿將啓旨酒在陳公神不忘鑒此誠意

祭金吾百戶李公文

惟公右魁之孫封君之弟如篋應墳克承詩禮金吾被寵白社閑居
一詠一觴時其卷舒孝奉親闈均處家政懿此平生孰踰高行矧是猶

子詞林鉅公事叔如考由壯及翁百齡是期忽以恙告九原弗與聞者
增悼銘昭寔安禮謹賙舍斯亦無憾何必多勞瀚等誼在通家夙懷悃
款方約登堂遽已捐館靈輻載駕薄奠一卮祝言申敬公能鑒茲嗚
呼哀哉尚享

祭家生子武文

維弘治七年歲次甲寅冬十二月丙辰朔越二十四日巳卯筭羽及堯
官人令汝弟戎以庶醴之奠祭于家生子武曰惟汝之生頗有資性因
令就學遂至成人草錄篇章繙閱圖典凡我文字皆汝職之家務之餘
亦諳世故我祭我辱率能相予陸走川行無不在役親戚故舊見即汝
憐為娶良家誕未彌月計汝言動曾未異常豈期卒然自殞其命愚不
至此聞之失驚數邪崇邪莫任其咎我髮裡三恒思故山從者雖多孰
當予意感今悼昔不覺泫然茲遣汝棺暫寄僧舍終歸汝骨瀛東之岡
晏歲勿賜汝飲食汝魂未散尚識予悲嗚呼哀哉尚享

祭刑部周負外妻安人文

惟靈賦性端樸繁秀之鍾持身賢淑緊姆之從慎不以驕婦職惟敬儉
不以華世業彌盛肅二姑婦名尊位崇安人奉之克盡子恭楚二夫君
高科早貴安人相之恒若賓對有褒 鸞詒 天寵殊常有寶珠程彩
衣增光闡祐方殷云胡不壽玉毀于成蘭悴于茂其等哀聞蒿里義重
維桑值茲發引將還故鄉庶饒旅陳清酌三奠人生可傷如雷如電嗚
呼哀哉尚享

祭宮保尚書大學士丘公文

嗚呼嶺海儲英異材間生公出其間適遭文明翰苑紬書經帷進讀
聖烈宣昭
帝心啓沃典教國子迨長宮詹迪士敬簡行已安恬身歷 四朝年開
七袞乃受簡知入贊宥密代言輔政寒暑者五更 國咨者舊人後治平
累疏乞休 宸眷彌篤一卧弗興天奪矣速

帝念元老 郵典優崇護喪歸之孰與令終經世之才希古之學有偉

曲江相望何忤某等誼曾僚屬敬奠一觴靈車將啓生容在堂追思話
言感悼疇昔公神不亡矧此來格

祭壽寧侯祖塋文 代人作

猗惟張氏興濟名家善積累世慶澤無涯鍾美後昆啓封 昌國際遇
非常恭慎靡忒篤主

聖后配我

今皇 前星炳耀 宗社之光推本慶原孰期先逝存沒哀榮古今鮮

麗况有二子竝立于 朝長侯次伯位冠弭黎一世佳城遠在故土乞
歸掃松荷天之祐 中宮有祭爰命近臣既告竣事予情未申尋微之

山箴公劔履思惟昔年予典葬禮茲焉至止追悼奚勝敬陳一奠用表
此情

開壙告文

維弘治九年歲次丙辰春正月庚辰朔初五日甲申直隸徽州府推官李珍敢昭告于故 太子少保程襄毅公曰茲承

上命為夫人林氏開墳以是月初六日辰時合葬公兆惟靈鑒之謹告

開墳告后土氏文

維弘治九年歲次丙辰春正月庚辰朔初五日甲申直隸徽州府推官李珍敢昭告于南山后土氏之神曰茲承

上命為故 太子少保程襄毅公夫人林氏開墳以是月初六日辰時合葬公兆惟神保佑

開墳告先考襄毅公文

維弘治九年歲次丙辰春正月庚辰朔初三日壬午孤哀子敏政敢昭告于顯考尚書少保襄毅公曰慟惟顯妣夫人林氏奄棄敏政得請于朝官給葬費事下本府委堂上官一負前來開墳擇以是月初六日辰時奉柩合葬無任摧裂之至惟靈鑒之謹告

開墳告后土氏文

維弘治九年歲次丙辰春正月庚辰朔初三日壬午太常寺卿兼翰林院侍講學士程敏政敢昭告于南山后土氏之神曰茲承

上命為顯妣夫人林氏之喪遣徽州府堂上官一負前來開墳以是月初六日辰時合葬於顯考尚書少保襄毅公宅兆神其保佑俾無後艱謹以清酌脯醢祇薦于神尚享

祭李處士文

惟靈賦資醇樸履行溫恭雅志慕丘園之樂僑居閑埴豆之容身不伍于流俗志將亢乎名宗顯有令子 明時奮庸考循良之所自知善慶之攸鍾况乎九袞之齡將開壽筭雙鸞之誥擬下 恩對何曼天之不勲遽訃音之告凶使闔郡之氓思攀轅而莫遂通家之士恨執紼以無從遼山高矗歎水激溶渺東郵之遠道望故宅之高春靈車既駕孰任哀悰聊一陳乎薄奠徒悵隔于塵蹤

伐木告文

維弘治八年歲次乙卯十二月庚戌朔二十八日丁未孤哀子敏政敢
昭告于顯考尚書少保襄毅公曰慟惟冠冕之箴十有七載賜塋內外
林木過繁或叢近兆域之旁或根蟠來脉之上或三遮兩蔽無以自伸
或縱出橫生不能成列理當去其太甚庶使疎密得宜木性各遂其生
成地力不憂于匱乏墓場有廓清之美曠周無侵犯之虞衆議僉同事
非獲已茲用擇二十九日召工將事惟尊靈鑒之謹告

告為顯妣樹碑文

維弘治九年歲次丙辰秋七月丙午朔越四日巳酉孤哀子敏政敢昭
于顯考尚書少保襄毅公顯妣夫人林氏曰惟顯妣夫人卹典碑二通
刻完將以是月七日樹立享堂東西用垂久遠先令匠氏築土興工惟
靈鑒之謹告

祭儒學生汪君承之文

嗚呼承之而止于斯邪屈指游從將十年矣道義相與遠大相期孰意
其性之淑而命之畸邪學博文瞻識遠才通在衆中豈可多得而竟無
所施邪驥馳而路木秀而摧徒使志士為之扼腕彼冥冥者之造物亦
誠不可窺邪邇在山堂晤言甚洽病中來告曾幾何時而遽成永訣之
悲邪發引在即抱病倚廬不能一往撫棺致慟其何以瀉予之私邪師
生之情死生之義盡此一酌夫復何言嗚呼承之其尚見知也邪哀哉
尚享

祭侍御吳公文

故侍御吳公之靈曰嗚呼脫穎之資世經之學祖武克繩鳳毛麟角名
登黃甲官擢烏臺士論攸屬遠器良材初按兩川再巡二浙威行惠流
大振風節霜飛白簡豸繡朱衣乘輅過里草木生輝入朝有期二豎
為厄訃音忽傳聞者駭惜敏政屬居苦塊承問諄書猶在几人已隔
塵遙望新墟敬陳薄奠通家之情有淚如霞嗚呼哀哉尚享

祭祁母太孺人文

維弘治九年歲次丙辰冬十二月甲戌朔越二十一日甲午太常寺卿兼翰林院侍講學士程敏政謹以牲醴之奠致祭于祁母太孺人黃氏之靈曰惟靈賢明之行淑慎之容重茲毓秀出自名宗敬戒之嚴嘉之懿允顯來歸克承閭制相夫有道青檀是同邑譽郡序無慙古風教子有成甲科之雋烏府黃堂式彰慈訓珍饈鼎食祿養斯隆珠冠霞帔恩封聿崇楚三諸孫環侍左右洩三高年踰八望九貴而能約五福攸宜耄而愈健百歲是期安問幾時計音忽告惟家之艱惟善之悼敏政夙與令子義獲同朝逮守弊郡恒及芻蕘美澤未霽素車已駕雲黯山陰江寒歎下臨風置奠力疾陳詞靈兮如在少鑒其私嗚呼哀哉尚享

誥封恭人叔母劉氏祭文

惟靈賦質明淑制行端嚴配我明威益修闕政煌煌命服赫

恩封有子世百有發矣感勵惟堂續歲月屢更往合新阡乘茲吉旦載惟孤姪職官于京發引有期攀號莫逮報香馳奠用告其哀靈兮如生鑒此誠意尚享

祭少保于公文獻行致

禮莫大于報功義莫先于繼絕况天定之勝人宜 恩典之昭晰

有魏三定難之功有侃三立朝之節有攸三及民之惠有繳三律
累惟許 國以忘身致權奸之汙讒中以深文濟之讒舌白日晝
愁雲暮結慨 重瞳之屢回驚天柱之摧折雖丹書之橫惟曾白玉
之可涅

列聖嗣統當食而輟追悼勲庸特加昭雪旌功有祠述行有碣嘉繼世
之象賢悵主祀而猶缺以我小子同源一轍擇男允忠系于孫列迺具
疏請

宸聰上徹偉公議之翕然果 天顏之開悅 錫世祿以奉祠士聞風
而氣泄顧竊柄之權奸已伏辜而烟滅仰忠勲之流芳炳日星之長揭
某洵以歲首自徽到浙俯伏祠庭一筵敬設感 殊寵之下臨與有榮
于衰拙冀銜慶于曾玄誓孝忠之殫竭鳳山隆從湖水幽咽尊靈如生
鑒此惓切

聞士欽李公訃位哭告文

太常少卿李公士欽之訃設位于南山堂薄致一奠哭而言曰嗚呼士
欽止於斯邪致遠之器凝重之資明達之見通核之才竟已矣而不獲
大施邪春末得書知有暴疾甚懼後連得書知已漸平甚喜孰意其果
不起而使我失聲以悲也平生健壯偉幹豐頤恒切嘆羨百歲為期乃
未及半百而一旦去世邪嗚呼有善相勉有過相規言議之合酬酢之
咨在至戚中惟士欽一人爾而今而後其孰輔予以道而使予悵于
既老之時邪念自童稚受學太師托姻門下三十年于茲非沉離舍不

能相一然此心耿千里可照曾弗以置于懷思也嗚呼士欽其真止
于斯邪山居歲晚江寒木萎臨風三酌有涕漣漣嗚呼痛哉尚享

弘治十年歲除告文

曰邈者 朝廷纂修會典上勤 恩命召副總裁方在憂中疏求終制
仰蒙 睿念特賜矜從今茲久越禫期禮當趨赴擇以明年正月十日
就道敢因餞歲預告行期追遠撫時不勝感愴尊靈如在庶其鑒之尚
享

奠故太常少卿李君親文

曰嗚呼去冬家山得君之訃大慟人生僅如朝露茲春來京君柩未行
登堂一奠恍如在生通碩之才遠大之器孰不期君可紹先世玉芝衰
謝寶劍沉淪一朝千古此恨何伸返葬有期靈車在駕骨肉至情言與
涕下今日何日節近重陽幽明之訣盡此一觴嗚呼哀哉尚享

祭太淑人熊母龍氏文

言二舊族有毓其華俱二名流有宜厥家敷歷都臺為國之儁人言有子式彰慈訓老循內則懿此德容人言有母庶幾女宗曷復其名鸞書錦軸曷貴其躬翟冠象服貴而能約五福尤宜耄而愈健百齡是期間安孔時計音忽告惟家之艱惟善之悵帝頒卹典用示顯揚安葬有使諭奠有章歿焉盡傷死也祭豔嗟太淑人亦復何憾其等忝與令器誼重同年升堂之慶不及生前遠望靈輻兆符佳地執紼之誠莫獲徃致辨香一炷魯酒一卮臨風三酌此其鑿之尚享

祭張公文

嗚呼張公廼止于斯天胡昇之遠器而弗宏其受降之長才而弗究其施驚計音之來告咸東望而興思惟公早魁一省擢第明時黃門給事公爾忘私京尹僕正慎厥攸司遂進佐于司馬爰克整于六師忽西戎之矢御副

主上之疇咨征馬旣秣兵車載脂始馬禮之以威武終也撫之以恩慈圖振旅希蹤于充國肯貪功生事于郅支賞采聊而適罹青會環將賜而與世辭嗚呼張公真止于斯緊公雖止而猷老有正殺可盡之節有修偉可圖之姿有匡國可行之疏有鳴盛可傳之詩彼得失之萬變渺塵海之一絲是亦不朽何憾于茲其等名同甲榜義重連枝相違兩地故奠一卮悵歌殘于晞露忱惟動于靈颺斯英魂之來格鑒薄意于陳詞嗚呼哀哉尚享

祭從叔處士彥華甫文

曰嗚呼相湖之孫尚書之弟個儻不群號稱遠器方當壯歲有志元宗云胡暴疾遽歛塵蹤上捐老親下遺穉子天乎人乎奚至于此凄其歲晏發引在茲臨風三酌有涕漣而嗚呼哀哉尚享

至京轉官告文

某被 召三月廿四日至京廿八日上荷

天恩進副宗伯仍兼翰林侍

東宮自顧非才曷勝茲選追惟先訓慚懼交并牲醴在陳用伸虔告尚
享

篁墩程先生文集卷之五十二

